

涉縣志

地130.123
35
卷三4





知縣戚學標重修

藝文類記序 雜文 詩

利應侯廟記

元顏之啟 教諭 魯人

世有超千祀而挺生奮百代而特立者大概有二
一曰神以燭機二曰忠以事上三曰義以扶教若
然邪媚不足以蠱其心富貴不足以奪其節威武
不足以挫其志用於世可以開物而成務垂於後
可以起懦而廉頑其生也不苟其死也有為吾於

涉縣志

卷八

藝文

一

利應侯見之矣按春秋左氏傳侯姓狐氏名突為
晉大夫時獻公惑於驪姬一時嬖倖饗竊榮寵蠱
亂國經二五之徒譖羣公子出居外使世子申生
伐旱落氏意欲罪廢有勸世子戰者侯曰內寵並
后二政嬖子大都稱國亂之本也孝而安民子其
圖之侯欲冀世子全身避禍他日復國未可量也
較之阿意曲從陷君不義若苟息輩徒守小信死
不償責者亦有間矣謂之不明理者能如是乎及
惠公君晉侯適下國遇申生告侯曰夷吾無禮余

請於上帝將以晉昇秦秦將祀余侯曰不可臣聞之神不歆非類民不祀非族君祀無乃殄乎且民何罪矣失刑乏祀君其圖之後惠公雖戰敗辱於秦未幾復國侯之力居多視彼復強自用手弑二君若平克之徒不可同年而語矣非素行相孚血誠爲國孰能暴白於冥冥之際若此哉謂之不忠於上者能若是乎逮懷公嗣立命追從亡人者期期不至殺無赦毛偃在秦弗召懷公執侯曰二子來則免對曰子之能仕父教之忠古之制也策名

委質二乃辟也今臣子名在重耳有年矣若又召之教之二也父教子二何以事君刑之不濫君之明也臣之願也淫刑以逞誰則無罪臣聞命矣遂死之夫文公未復流離四方苟順君意必獲寵祿侯乃明父子之道以伸古制敷君臣之義以厚邦典誘之以好爵而不恤臨之以白刃而不懼視死如歸凜然若生其操行之堅等山嶽而不拔其立言之卓終天地而不朽孔子謂殺身成仁此實近之比之知義方之教諫其君而不知訓其子若石

稽者不啻霄壤矣此其扶持名教之功爲何如哉
嗚呼姬轍旣東上綱解紐天下之勢滔滔汨汨侯
獨揭大經大法於壞敗之餘敘天理彙倫於攸斃
之後豐功盛烈雖不克顯於當時其遺澤流風猶
足以垂範於後世可不謂之超千祀而耀生靈百
代而特立者乎是可祀已舊廟在涉邑其虛里之
東狹隘圯毀今卜爽塏而改築之凡三楹門亦如
之其工傭匠石之施餽饌丹青之費皆自義士張
伯原等仍請文諸石余辭不得已於是乎書遂作

迎享送神辭以遺之神識與祀神焉辭曰清漳之
濱兮太行之阻繫侯之宮兮維侯之宇薦肴蔬兮
奠芳醕伶抱鼓兮巫以舞神歆饗兮此容與降嘉
祥兮時風雨福我人兮宜穰黍神之來兮斯主神
之去兮帝所沐靈貺兮瀾延長無絕兮終古元至
元十三年記

重修涉縣記

明張昇

儒士黎城人

涉邑多山水得名涉四面皆山清漳一帶濼洞
山是趨縣治者必涉焉因名涉爲秦晉之要衝實

中州之邊鄙也在兩漢爲沙屬魏郡至晉隸廣平
後魏縣廢隋開皇十年重置屬上黨郡武德初附
韓州十三年移於今所置漢縣今在縣西二里貞
觀十七年州廢屬潞州今按兩漢志並名沙皆屬
魏郡今相州也後漢志沙侯國有龍山今縣南臨
漳水北枕龍山次南有吾兒峪卽壺關口至魏始
作涉建安九年四月留曹洪攻鄴公自將擊武安
尹楷破之涉長梁岐舉縣降賜爵關內侯晉復隸
廣平郡後魏天賜元年三月限縣戶不滿百者罷

之北齊天保七年又併省縣五百八十九今青頭
山靖定大師碑及惠安寺刻皆北齊天統間立並
隸臨水縣又唐十道志漢沙漠時在魏郡武德三
年移於潞州其漠縣在縣西北二里有清漳水一
名涉河此水東經涉縣縣因名之又積布山狐茂
塚注云在壺關卽上書訟戾太子寃者今涉境有
積布山而不見此塚古圖經復有溪王墓在縣西
南隅一百五十步及馮亭墓在縣東三里韓王山
下乃韓上黨太守也廟貌在焉廣韻云涉亦漳水

別名舊唐書云涉係漢縣隋屬韓州貞觀十七年
州廢屬潞州五代洎宋與元並仍舊名然涉自古
地屬晉封世傳爲涉陀城至於前人賦咏形於詩
詞鄉談俗諺無不名爲涉陀按左氏傳定公七年
齊侯衛公盟於瑣注瑣卽沙也公羊傳盟於沙澤
穀梁傳及地經亦云盟於沙凡此皆欲叛晉因而
晉涉陀有鄆澤之盟皆一時事疑涉陀封邑卽此
而左氏經注復云陽平元城縣有沙亭未知孰是
嗟乎時有古今事有得失其間沿革安能盡詳今

我聖天子御極之初削平暴亂海隅日出悉歸版
圖縣丞吳君首蒞茲邑披荆棘闢草萊勸學明農
修舉廢墜誠可謂無忝厥職者矣一日於治政之
餘考風化之淳漓觀山川之形勢追曩事於風流
雲往得斷碑於頽垣瓦礫欲後人不失所自乃琢
石命余爲紀其實焉時洪武庚戌仲冬月記

遊奉聖寺記

明張應登 叅政

余有事乎西山循洛水而南入涉境暮雨行不前
大尹左公鴻儒止以西戍之署是夜風止雨歇淡

月疎星坐望西山如屏而高雞鳴犬吠又以御我
於雲端絕無塵囂氣遲明促輿迂道青龍山山之
形蜿蜒如龍首尾鬚爪不絕三三兩兩相顧而伏
龍之領下爲奉聖寺不知所自剏殿宇僧居佛閣
鱗甲集也殿之東麓爲龍前足上有古栢枝肖觀
音手而老鶴巢其上僧謂龍喜播動而觀音以千
萬億之化一化爲栢以降之鶴亦大鵬之一化也
從栢之西南盼望石橋一券煙霞從券中起騰騰
指栢久雨必霽久晴必雨鶴去必來鶴來必去以

此候之無一爽者何神異若是也地幽景適佳屋
啟扉西面對栢日伺飛煙爲討幽葆光之寄其山
之有緣於我歟我之有緣於山歟自殿閣迄栢左
右大尹皆以觴往觴之尋山而下至寺門有石碣
曰左公淨土蓋大尹以俸易地爲僧龕而僧所
以識之者又一因緣盛事矣踏歌而往坐橋上觀
煙無何而栢下僧呼煙又指栢來矣相與神之拾
林頭濡泥水書飛煙橋三字於石大尹請曰山以
龍勝龍以寺勝寺以栢勝栢以煙勝而今又以名

公之遊爲一勝矣不有紀述勝將何傳遂識之
不勝萬古在也鉅眼者瞥然鑒之

新作石城記

明王科 邑人給事中

嘉靖二十有一年歲在壬寅夏四月涉縣石城成
先是奉敕巡撫河南都察院右僉都御史餘姚魏
公有本暨巡按河南監察御史歷城趙公有本會
議事宜以倡率三司復委官分據林涉等縣諸險
阨召集義勇以防寇至時左布政秦興張公聽右
布政閻中任公維賢等合謀協忠務以安靖地方

魏公尤夙夜祇懼統率官兵親詣林縣督勸復僉
擬十二事具奏上請多行之曰修理城池曰整飭
兵馬曰齊備器械曰推舉將材曰團結鄉保曰弭
消內盜以立先事之防曰控扼關隘曰清敏原蠶
曰挑選精銳曰召募義勇曰設處糧餉曰嚴固河
防預圖應變之用而涉正當澤潞通途專委淇縣
主簿宋愷會同涉令楊綸分役包砌石城工始於
辛丑十月成於嘉平幅員三里許墻高三丈餘濶
一丈五尺馬道一丈隙地一丈二尺外池面三丈

底二丈五尺深一丈五尺引漳水注其中是役也
夫稽於里石取於山灰料分丁燒運堞磚按糧出
辦宋楊二侯設處彩帛以勵勤者又修南北城樓
二建角樓四窩舖四典史德州侯天爵亦贊勳之
內衛涉民外屯戍兵一勞而永逸卽此足以仰窺
魏公之心遠矣哉使前所奏盡舉行寇寧敢復玩
我耶科樂觀涉城之成而喜其規制之備因詳書
以示後焉

重修儒學記

明張夢斗邑教諭懷安人

涉縣志

卷八 藝文

八

嘉靖己未六月閩人張夢斗來司涉學政事至之
日見羣材萃焉羣工趨焉藉藉於孔子之庭詢之
則曰茲庠肇於洪武之三年修於成化之九年迄
今幾百載矣敝而修之勢也先是學諭蔡君銘暨
學訓龐君璽上其事於兩院兩司提學道府州俱
報允矣歲歉民病尙無有任其事而終之者迨邑
侯王公來治涉謁廟卽惕然曰疇敝甚矣事無急
於此者矣詎可諉諸時詘而謂後有待哉於是相
勉務之可已者而經畫乃心分任惟以木石易腐

積倉之米工役取諸餘閒之夫諸所不足者悉以
爲之調度區畫不騷於民而廟貌齋房煥然一如
舉於是年之五月至十月而訖工焉余惟爲政者
急先務而舉事者貴崇要廟庭以祀孔子學宮以
教國之子弟非政之最急最大者歟公殫心竭力
克成茲舉是急而大者旣先之矣則凡百廢之未
振者固可以漸而興也落成之日公曰此學旣一
新矣取諸士而新之非二先生責乎可無勗之乎
夢斗作而言曰士之所以學學孔子之以日新其

德者也孔子之道何道也原於天爲命具於人爲
性統貫於五倫昭著於六經天下由之則治不由
之則亂雖曲學異端紛紛雜出而不能使之湮晦
者是則孔子之道也諸士誠能觀學宮而興思求
高堅而篤志探性命之奧崇身心之益爭自濯磨
以新厥德庶乎可以登堂入室而無愧爲聖人之
徒矣乃若士其名而民其行衣冠其身市井其心
則詭於道如壞木毀瓦然人棄之矣否則事口耳
騁詞華以釣獵名譽媒取仕進斯又聖人麾之於

門墻之外者也士云十歲且過者督學朱公之臨河北也諸士既就試而觀其光矣其所訓諸士者溫顏剴論不畜家人父子首德行次文藝惓惓欲諸士之新以大此涉也諸士憶之乎是朱公心孔子之心以造士而王公則又心朱公之心以作人者也諸士勉之於是董生一經李生坦輩進而計曰公新學宮又丐言以新吾士子公教遠矣可與茲學並傳矣遂命工刻石

新建鄉賢名宦記

明

李

棟

邑人大理寺少卿

涉縣志

卷八

藝文

十

涉古建國於鄴爲屬邑宦其地者莫西門史氏之遺風多以循良著而邑人士重儒術尚節儉斌斌綏纓相望志牒具在可攷而知也顧自有明興二百年來邑必有學學必祀名宦鄉賢於其中而涉獨缺畧未備有識者竊竊歎三歎焉邑侯段公者下車以興革爲己任日進父老詢謠俗問疾苦謂賦役無藝非所以阜財也則行會銀法歲所省以七八千計而民困蘇謂地險不設非所以遠暴也則建重門於北門而保障深謂往善舉彰非所以

詔來也則城節婦爲里閭所誦說者褒表之而風
勸昭然而按掌故周覽學宮太息曰詩不云乎高
山仰止景行行止二祠弗備卽仰止藉何賴焉有
其舉之是誠在我乃諏日相隳地爲各宦鄉賢二
祠各二楹役罔勞民費不出帑自五年七月始至
十月而訖工走使京師問言於余以垂永久余惟
循吏莫勝於西漢遷固之所紀者班班矣自今攷
之如勸農興學闢地治渠類皆奉職循理非有殊
常駭俗之爲而韓趙張尹之發奸擄伏令行禁止

者不與焉由斯以譚守令之所急固在此不在彼
也今之治邑者余知之其政如施鬣其令如賦芋
其操下如束溼朔望盛威儀聚博士弟子具故事
而已卽學宮猶弁髦視之矧於各宦鄉賢其才者
務以恢奇赫焯博名高見爲冗緩而不屑爲其不
才者又冥慳踈離因循守故常詭爲省事而不能
爲蓋自不屑爲與不能爲者轂接其間而古道之
無復幾幸矣侯獨重風教於催科敲朴之時修廢
墜於簿書期會之暇二百年所嗚嗚屬望者一朝

而復之其見抑何過人遠耶夫良吏之政必先有所師而善俗之方始於有所勸故繪之圖俾舉於豫章延篤表龔遂於平陽師也樂生式王蠋之里任尉禮延陵之祠勸也侯之斯舉師勸之義備矣使後之令率以名宦自期而邑人士舉斷惟鄉先賢是效則侯之心其無負哉侯名愛民號恕菴關中涇陽人

修理興文書院記

明王啟疆

邑令金壇人

涉城西北隅有廢守備司公署一所其廳事最宏

壯高敞第年久日就頽朽郡司理高陵吳公至縣闔而惜之言於直指唐山陳公請改修爲書院以便青衿之誦習陳公可之下縣估計縣議約費三十金以庫貯羨銀充之議上報允前令羅君發十二金易磚瓦貯儀門內業有日鳩工矣會去官署縣事者不以經意磚瓦漸爲人侵取至典史劉崙公取四五千遮修民天厥余心欲經營之而力未及也丙申之冬乃稍稍以次理葺初建兩廂房次建大門儀門次易廳事苦蓋廩棟藻飾四圍高墻

環之於是輪奐一新丹碧相照儼壯觀矣而屬事
後尙空地畝許又其後房亦卑淺不稱有義民王
光濟及其子庠生執中願輸資助成乃再創中堂
三間穿廊二間前接大堂以至庖厨之所廝僕之
舍增緝加備而規制宏遠矣工告竣余又將去官
不可以無記因記其大畧如此

蔡侯勣置學田記

明

尙登雲

教諭

曲縣人

辛亥春三月余謁銓曹得涉庠以秋八月抵任邑
侯蔡公隆禮抒衷一切優崇輟常格甚倍私心竊

涉縣志

卷八

藝文

三

銘佩之會司訓霍君何君暨紳生應春王生光大
竇生如蘭李生光李生四端聳揖余請曰涉邑當
鄴郡西北隅絡萬山中地瘠民貧民或東於見而
不能廣限於食而不能給公自庚戌蒞茲土興利
革弊獎善懲惡諸種種織政不能悉舉民無不慕
父母而凜神明於諸生尤惓惓月三課以文親爲
批閱諸生藉其陶鎔習且蒸蒸大變已念諸生多
苦無家佐讀惟艱慨捐俸資若干金置田若干畝
歲收田租貯學酌諸生婚者喪者無歲者并各項

公費用各有差此真永賴之利不朽之模也敬驚
石待先生願假如椽紀盛美以昭來禩余謝不敏
而衆請愈堅乃拜手言曰於郁哉公之是舉也與
學校徵忠周貧乏徵仁捐俸金徵廉圖經久徵識
一舉而衆美咸備此安可令泯泯無傳也夫賢今
以作育人才爲第一義而公加意衿裾令得饒於
治生而專於治業有不奮然好修者非夫也異日
者脫穎而駕天衢則鼓舞振率實嘉賴之又誰非
此一舉所貽噫公之意真矣公之惠渥矣易曰井

收勿幕有孚元吉公以有孚之心開勿幕之養德
業名位隆隆浸盛其元吉豈待問哉陶善治田者
時敷菑時鋤治時灌溉斯實賴實粟數口無饑爾
諸生能以治田者治學繼常以爲繼故仁義以爲
嘉種忠信以爲培植厚蓄而勃發之其真積以養
身其緒餘以養天下則人品事業迥邁尋常庶克
副公置田之意其樹立豈僅僅科第已乎譬諸富
翁主人傳祖父良田遺厥子弟爲擇農師位之乃
農師與子弟相恬以嬉荒棄田畝至於終歲凍餒

何以復主翁則余師若弟共勗之矣公又修敬亭亭葺博士宅凡學宮頽壞者悉從鼎新其治邑善政烺烺口碑載道觀風者採而付諸太史氏記焉茲不贅公名思續號榔石楚襄陽名家其所置學田在城西北三里許公之意有加無已茲其托始云

響堂舖義塚碑記

明

王

鎬

邑人安肅縣教諭

涉之巡檢司額設在縣治北之偏店嘉靖庚子歲俺荅犯晉地當道議於河南山西界上依山險築

邊墻設關隘以禦之吾兒峪在縣治西二十里許兩省關隘所在也故偏店巡檢司遷置於此自是其本省軍舍餘丁犯該徒罪者時發吾兒峪哨瞭限滿釋焉關無整臺不得不將罪人監候往往多死獄中因無葬地暫瘞監內積五十三軀亦足憫矣邑侯平山王公欲買田葬之適巡檢通州葉楠來任亦以其事言於我侯侯曰此死者心也遂捐俸令玉泉一里民程仲卿申日名程廷相擇民全廷善同陽地一所丈量二畝議給領價銀一兩

作義塚地糧四升攤派本縣給帖存照本年五月
八日將監故骸骨埋葬本地葉子可謂心僕之心
矣侯慮年久湮廢其地或爲豪強所奪命余記其
事嗟乎生死命之常也賞罰國之典也我侯待死
者如此生者可知待罪人如此善人可知侯之政
可記者不一余作義塚記而不暇舉他云遂志諸

石

任公渠碑記

明李

熠

邑人府
州同

談者恒以水利規有司經濟然當事者類泄泄委

沅縣志

卷八 藝文

六

之民間而齊民亦泄泄視之噫是何異決東海之
波引西江之水也鮮克濟已萬歷癸丑關中任侯
分符涖涉踰年風清庭閒覽城郭幅員之勝謂邑
縉紳曰沙陽四面聳翠開門可以見山顧安所得
水平諸縉紳曰漳從淺西北來距城五里許盈盈
一水咫尺不通是在一疏濬之間耳侯欣然諾曰
善遂沂漳流登圩岸察源委鳩工治粟而從事焉
礪石堅砌開其源因礪利導濬其流不匝月渠成
而黔首呼爲鬼工清波一派流行村居灌禾凡三

十頃漫瀆益萃又自北關瀉城中達泮橋穿橋舍
而入遶縣治而出環注城濠起脈回風臨斯渠也
耳聽潺湲之聲目擊活潑之趣頓令人心曠神怡
灑灑乎若有所得也山嵐水光兩相帶映清冷之
氣沁脾徹骨習習兩腋生清風也自是另一奇觀
哉噫侯胸中有涇渭源頭有活水故一指顧而蓋
然就理如斯乎尼父云仁者樂山智者樂水則侯
之所鍾情可知已侯之清操善政難以縷悉卽此
渠而知經費爲廉剏始爲勇遠慮爲智其或繼侯

涉縣志

卷八

藝文

七

者通流窮源無令淤塞渠將長續而弗斷是勒片
石用告來牧敬系之歌歌曰決漳水兮來悠悠潤
九里兮侯嘉謀挹長流兮徘徊羨隴陌兮栽培達
泮宮兮育賢才流闔澤兮無窮哉侯諱澄清字純
夫陝西盩厔縣人

重修文廟記

明

張鴻譽

訓導
涇川人

皇上御極之甲子敕天下郡學修先師廟御書
萬世師表四字通行天下懸諸殿額以示尊崇余
司涉訓請命縣大尹王公集邑紳士於明倫堂會

議修葺王公慨然色喜曰咨惟余責嗚呼先聖
立三才之極明萬世之經德冠生民功垂天壤古
英君誼辟罔不率由其道以建化源亦罔不恪修
祀事以報本始矧我輩一行僉奠斯文之統在焉
今茲聖廟敝於風雨源本之譏傾而秦越視之乎
於是各捐金粟鳩工庀材邑少尹夏公亦遂體公
之心朝視夕視不少暇逸余亦時爲勸勞以襄乃
事經始於丙寅八月落成於戊辰三月大成殿暨
兩廡以及敬一亭鄉賢名宦諸祠一一就理碧甃
華榭式增輪奐又於明倫堂西隙地擬建啟聖祠
三楹一切廟貌爲之燦然改觀視昔有加焉休哉
煌煌乎其足以肅若聖靈闡揚文教寧特爲一時
侈觀美也又奉命增修聖廟禮器資費悉出大尹
余亦與有力焉凡春秋有事於聖廟明禋益虔裸
獻益肅駿奔祝嘏雍雍禮樂之盛何以加茲揆厥
所由王公之功真不可朽乃謙讓未遑謂諸執事
之勞也不佞其何功之有二三同事相與樂觀厥
成謀勒諸貞珉以垂永久是役也度支經費則鄉

官李錦江明弼總理督工則少尹夏洪生員郝化
秦李汝翼李如金贊襄謀畫則鄉約王臣等例得
悉書

新建勅封靈應伯坊記

明李應兆 邑人

城隍之祀舊矣然非神之靈應有以感動人心亦
無由使之率渙而假有廟也涉邑城隍保障一方
爲靈尤昭昭其顯著者有五焉一曰嘉靖四十二
年土寇窺境生民塗炭邑侯王竝守備薛百戶陳
禱於神率軍卒前至甘土嶺剿捕殺頭目關三等

涉縣志

卷八

藝文

九

數名時營中黃風大作黑暗如夜賊遂大敗奔逸
若有神兵追逐之者一曰嘉靖四十三年漳河泛
漲水衝南關將灌城署印教諭馬禱祝於神當卽
水縮萬民獲全其次有僱工人張曇用鐵剪刺死
主人郭景全逃至中途眼中若見神攔阻去路口
內自說殺人投首本縣正法又大街王致政失火
沿燒樓房數十間時東風起有碍縣衙庫藏公廨
邑侯游公朝服致禱風卽轉西南火旋滅又邑侯
王於五月初旬夜夢神諭曰午有一老人身衣口

手拄竹杖此是虫蝻之神不可使入城次日俟遣人兩門伺之果應其夢至未時忽飛蝗蔽日得疾風驅之蝗向西飛不落境內自餘禦災捍患冥冥佑相以爲百姓福者更不可以枚舉噫靈矣哉於是邑人王榮光等糾衆曰吾邑城隍靈氣翕歔如此不請封號可乎相與詣京師具疏上請得旨封靈應伯下禮部祠祭司照會河南布政使司彰德府磁州涉縣遵知榮光等請封固以嘉神之徽號矣不建坊以表之又何彰神之靈也乃更庀工建

坊以表封爵樹屏以壯觀瞻巍然炳然廟貌聿新矣是工也其財取願助之家而不煩浮屠之募化其力取傭食之夫而不勞公徭之一卒募人而爭應之役人而人不敢愛其力孰非神德之使然耶遂刻於石以垂不朽時萬歷之三年也

白雲亭記

明任澄清 邑令

亭以白雲名謂其在青山之巔白雲之島也清泉寺形勝雄甲沙陽而峯之最秀者曰仙人掌四山環列婉然如畫林泉之美鬱鬱葱葱陟斯頂也出

川佳境盡在目中不覺心曠神怡曰美哉山林之
奇觀其殆天造地設而與天目闔峯相頡頏者乎
顧此掌峭而危突而平且當青山盡處可不構一
亭其上以壯山靈棲烟霞耶乃始鳩工取材羣比
邱恢然趨事不越月而亭以成命之曰白雲亭蓋
人間世物皆有壞而惟白雲無恙彼其卷舒變化
靡有定形時而起伏於山巖時而點綴於太清其
聚也莫測其所自來其散也莫倪其所自往而吾
乃以名吾亭亭依雲耶抑雲依亭耶會心不遠惟

人自識取耳引而伸之則棟宇插天雲爲蓋也烟
景當戶雲爲屏也入窻玲瓏雲爲鎖也若夫清泉
一派莫非雲影之徘徊空林萬壑盡是雲光之繚
繞登斯亭也真可以空宇宙可以脫塵囂可以夢
莊生之蝶可以御列子之風可以餐朝霞而茹秋
英我與白雲第覺其同一悠悠而已矣雖然雲有
卷舒而斂之還歸於太虛心有動靜而約之還歸
於宥密故能悟白雲之趣則可以緣境而寄情亦
可以得心而忘象况達人君子且以天地爲蘧廬

而奚有于子焉一亭哉

熊耳寺亭池記

任澄清 邑令

熊耳六峯摩天林木蔽日達人高士每至於斯豈不稱壯遊哉惟是石橋當山門之前井泉在梵宇之右乃扼要之巨觀也余謂宜構二亭以爲遊憩之所因與鄉紳李君會議經營於是建一亭於橋南命之曰落霞望林壑而舒目彷彿虎溪之境也建一亭於池上扁之曰天一坐綠蔭而泛杯依稀蘭亭之趣也亭旣成余度井亭之下泉必流通可

作小池以引清波於是掘地爲池甫數人許而井泉一脈咄咄旁出觀者曰此天造地設之流也爰作石龍口吐水其中石欄杆凭倚其上內外迴圍皆砌以石第見其洩洩不涸注之不盈聽之潺潺有聲如鳴琴狀而不直臨流興羨已也其濤可以沁詩脾其冽可以洗塵根而不舍晝夜可以識源頭活水之妙其會心於水也不亦多乎合而觀之二亭與六峯並峙清池與皓月同輝野鶴白雲飛於上青黃碧綠錯於下登臨一覽而山水之奇煙

霞之色皆我有也山僧共話賓客偕遊遊而倦倦而坐坐石看雲搔首問天忽不知有人間世矣若百年之後焚魂有知猶不忘登此山也

靈澤王李衛公廟碑記

國朝

左卿奇

邑令

余讀書見李衛公告西嶽文揣其志意氣象真可謂自命不凡者矣又見元怪錄載公遇神嫗代待兩事益奇之凡史傳中過公生平遇合之奇與當時征伐之績未嘗不志之於心壬申冬來宰此二閱邑乘有所謂馬布村者問之卽公行兩處歷年

涉縣志

卷八

藝文

三

久遠故蹟已湮而其廟貌固巋然在也異蹟善冊所傳者信有徵矣衛公之神異果如此矣宜其門卜於西嶽而自負偉然也宜其遇合皆英傑而身都將相爲唐室碩輔也宜其靈顯動百世德澤福羣生而廟食不朽也涉人又云廟內松栢森列如有侵踐必獲重譴相戒而不敢犯噫非公之神異猶在生時焉能靈爽見於所憑依歷久不泯若此乎廟之葺在前明神宗之世去今八十餘年道人向清與居民郭玉石等謀重修未一期而丹雘

殿宇黝堊其寢宮門庭樓閣煥然增新由感其庇
佑者衆鼓舞爭輸於事易集也余因夙昔誦讀時
異其人異其事又以慕其靈凜其威因父老之請
講爲文傳其梗概以見公之爲神人而曩者稽古
考異之懷得兼以大暢其爲幸爲快又當何如哉

媧皇廟記

國朝

王鳳九

邑令
仙遊人

沙陽唐王山之巔有古媧皇廟其山爲太行之衍
中曠三洞左元廣深豁瑤閣宏殿皇之神受焉腋
石級而上倚瓊樓俯閣前岸築雉堞如霞際赤城

涉縣志

卷八

藝文

十四

右二洞鑄石佛菩薩迦葉安禪持鉢或合十携蓮
花葉念珠不一其狀澗上削壁千仞玲瓏疊黝駁
燥無元髓史稱煉石補天殆其蹟也洞內外鑿法
華諸經銀鈎鐵畫質光瑩壓鴉翎篆殘處類蝌蚪
不能句讀傍下爲洞徑徑覆以閣俯視有關東任
石刻詩其對爲鐘樓香積由樓返望空庭高岸上
則爲舟舫藤櫺掛列嶂交照而泉出其中盛沸從
石眼如丹液汲者量節以取坐舫觀石壁古栢森
鬱從石罅倒掛如虬龍郊禠者覓罅得元屑如珠

歸皆應其下出盤徑至坦曠處爲宮宮高以麗參
錯連聳環峯嵯削仰視巍樓瑤閣凌霄漢上矣余
蒞涉溯漳河詣皇廟祀事如齊如魯沅湘秦晉之
士咸敬共無外始知皇德汪濊余爰以八荒之享
神者以施以賑以廣神庥協建神殿復以其餘及
余所捐者買水地十二畝付道人張守初爲廟中
香供需至於餐元氣翼太和以陰陽爲宰天地爲
庭余又烏知神之終窮也因敘其事而記之大清
康熙五年歲次丙午春月記

重建媧皇閣記

國朝

楊以兼

邑令
瑞金人

史傳女媧氏煉石補天之缺雪航趙氏疑爲不經
竊惟洪荒初啟媧皇於其時正婚姻止滔水作笙
簧珍共工制作不一釐然具舉天地文明之運自
此而開謂之補天誰曰不宜邑西二十里許有神
廟焉剏建之故世遠難稽土人倣古郊禘之意季
春之月相率祈禳於此各得其所願欲自是西而
秦晉東而青兗南而豫梁北而燕冀不遠數千百
里扶老挈幼率獻惟謹金鼓歡呼之聲震動山谷

迄今千有餘年間或廢替自非靈休不爽烏能感
人之遠且久若斯之甚也但居舉擇之巔層樓遠
閣直矗雲霄風雨蝕之霜雪摧之棧橋欄檻頽然
欲壓順治十一年生員楊振之不忍神靈之不妥
而古蹟之遂湮懇諸邦伯捐資修補四方翕然競
勸用告成工二十餘年復將傾圮材木甃瓦率皆
腐敗不可用住持等欲修無力邑人李大成不顧
頂踵四方募化前縣令王侶之於始三省善信繼
之於後嗣加一闕視曩制更復巍峩嘗考祭典有

功德於民則祀之媧皇之功固應廟食萬世顧此
凋瘵之鄉更當饑饉之會而能令富者樂於輸財
貧者資以食力卒使廟貌聖像煥然一新騰跡靈
踪不至失墜則首事諸人亦不可謂非補天乎也
是何可不勒諸貞珉以垂不朽康熙庚午春月記

修皮場王廟碑記

國朝

王光培

邑令

縣治虎頭山下閣子寨有皮場王神祠每歲三月
三日致祭余異其稱名詢諸紳衿耆老僉不知王
何方人與廟之起自何代會客有惠余吳山紀勝

一書閱之則載神本末甚悉云神姓張名森相州湯陰人縣故有皮場鎮萃河北皮鞞蒸潰產蠶螿人輒死神時爲場庫吏素謹事神農氏禱神殺蠶鎮民德之爲立祠凡疹疾瘡瘍有禱輒應漢建武間守臣以聞遠近崇奉宋建廟於汴京南渡時有商立者携神像舍於吳山看江亭改爲廟額曰惠應咸淳德祐累封王爵兩廡繪二十四醫像相傳佐神農採藥者也宋處州葉生奉神甚虔下第不得歸謂同舍曰明當禱皮場乞錢三萬衆晒之及

還曰神許我矣明日薄暮有近郡太守招爲館客葉往得錢符昨數瀕行須夫荷擔往禱喜曰神又許可矣裝旣束杳無人乃令齋僕齋行同舍曰此僅可抵江口奈渡江河生日吾所恃惟神他非所慮也出及午齋僕回云葉上舍登舟時適一人來自江西云與比鄰欣然隨去矣衆異之逾數日同舍生返自越州乃與葉同舟者云是日中流風作檣仆舟中人驚怖欲死而葉生熟睡鼾鼾也俄而風止檣起舟人言危時見金甲巨人仗劍坐篷上

葉生悚然曰此吾所奉皮場大王也啟笥出繪像示之舟人皆驚拜書之述神異如此夫神生河北而其靈遠著大江之南莫不尊信况涉與神同在一郡固神之梓里也是其靈宜無不著而民之尊信又當何如哉用表而出之以見神之稱號所自來俾後之祀者有考焉

修復北大路碑記

國朝楊靈邑令

余蒞涉之三年治北大路成起龍山領訖顛緣闢透折漫衍而上濶丈有奇凡四十丈長側有渠厥

長稱是二尺許濶深如之渠兩壻盡嵌石類石峽滙東漲淋蜿蜒使下趨雨潦罔能爲路災先是大路由東偏行者苦崎仄康熙乙酉北平黃公澤宰斯七決計徙茲榛闢道通往來稱便嗣積潦靡所歸寢以潰塌乾隆戊辰聞喜趙公萬里姑補苴卒憚大舉路塞者二十年蕪壞不可由予以丁亥六月來自路東枯河取道亂石驚沙茫未有路遙見邇北榛莽間一帶途迹宛然詢土人云大路在是思爲修復計適邑紳李君馨及其猶子長年白狀

請自董役余皆趨視之令循舊迹加修治高者平之窪者填之偪仄者拓之拔去蕪穢使不致失足落蒼耳由是徒者騎者駝而載者皆坦然而由雖遇霖雨水轉從渠走行者自如也余踵賁趙二公後喜見是路之成尤願繼事者不時修舉俾永爲行人利詩曰周道如砥其直如矢語曰迷陽却曲實傷吾足道途之修廢其亦非細故已

修路碑記

國朝任中柱
邑人進士

自涉城東南行兩岸翼然皆山中則漳流一帶千

回百折奔趨而下行人來往皆循水涯爲道途漳水暴發不時遇險阻深峻則依山緣崖一縷如髮以避湍急雖岌岌不暇顧勢使然也其最艱者由林望至達城漳流忽折而北復折而南中橫巨嶺行者非踰嶺無由達不涉而跋歷有年矣攀蘿歷磴一上一下筋力疲軟喘息不定當盛夏流金赤日行嶺上揮汗如雨跣足峻嶒求寸步康莊不可得每嘆山川之勞人不小也於是有善人某某乘春月漳水尚淺於嶺之底加畚鍤累石堆土除爲

道且鳩工鑿石爲堰以障水積數年功始成行者無踰山越嶺之勞且較近焉往來莫不便之噫人之情莫不欲安而惡危舍勞而就逸而山之高水之險天實限之人力無如何則不得不爲登陟勞頓之苦今乃不登高不涉險坦然稱便則在人經營之力不可殺而神功鬼斧且不得而爭也仰視石壁上鐫小魯轉步四字明邑侯曲阜孔公聞誦所書也筆勢蒼逾可愛意嶺下原有路而漳流怒蓄漩爲深淵路不可復得而今乃見之非數人者加修其跡亦莫從而識矣由是推之漳流轉徙無常而人力之維持足恃有志者嗣而修之則斯役也豈不萬世永賴與是爲記

河南店重修茶庵記

國朝 楊先元 邑人

涉邑環境皆山而實往來之衝也秦晉齊魯燕趙諸邦無不取道於斯但經邱則山路崎嶇循壑則石徑紆折求所謂如坻如矢者往往難之惟余所居河南店尙稱平原四方商旅以爲止宿地鄉西南二里許地勢高曠景物闢遠誠勞人休息之所

也由此而西則上黨關隘山川益爲險峻井泉井
乏征人以為畏途昔人建茶菴一所歷年已久半
卽傾頽乾隆二十四年春某等經營修復卽舊關
帝廟僧舍改爲茶亭越歲功始告竣令僧住持夏
月施水冬月施茶不惟廟貌有蔚起之觀行人且
樂有濟渴之惠矣嗣是而商旅往來空山寂歷遙
見燈火輝耀旣免失路之悲遠聞佛號經聲如增
夜柝之警至若曉行際此或飲或息右盼熊韓兩
山參差聳翠左顧風洞古松歷落青蒼前望龍峯
逶迤迤迤拱俯視漳流如帶回環一杯水盡頓解煩
襟潯服山光頻添逸興雖不若白下涓城歷下迎
春足供高客題詠而當踰關山涉險阻之餘有是
菴憩止固大有濟於行人也因以是菴之不容不
建與不容不修者爲後人告焉

重潯任公渠記

國朝 戚學標 邑令 太平人

邑西故有渠一道曰任公渠明萬歷間邑令任公
澄清所鑿也先是附郭之田常苦旱及任公爲此
渠起七原山下引漳水入渠屈曲流經城北由是

清泉灌注雖遇亢暵他田龜坼而此環城十

黍苗芄芄如故邑人食其德至今思之余讀史記

河渠書及漢書溝洫志記西門豹史起引漳溉鄴

事並言河內爲任所溉僅在一隅計田不過

三十頃其爲利甚微然其爲用漳溉田爲後世所

利賴且特其所治小耳言處其大亦必能爲西門

豹史起之事也是渠雍正五年嘗疏濬迄今七十

餘年渠道漸淤且或侵任夏從他道挑

治淺流涓任公渠者已名在

涉縣志 卷八 藝文

三

而實失矣今年夏北閘神嘗以白於余余因周視
故道俾從舊開濬凡半月而渠復更以其力之餘
引水自北閘入城穿泮池入衙舍蓋皆任公之遺
蹟而非余之敢於創也嘉慶三年戊午七月記

潭社小引

明李四端 邑人

落魄生活酣卧爲上痛飲狂歌次之讀離騷及古

今奇快書又次之三藝壇較量甲乙

真如以盲者而談黃紫瞳者而審雲英也祇博哄

堂一噓余當丁亥之冬蹙首南指一路酸烟苦月

然則學固虛設而卽歲時俎豆舉行釋奠徒具其
焉耳烏在其爲真知聖人而尊之哉夫士不務爲
不知誦法聖人而亟亟焉廟學之崇誠非所以爲
教然余讀城闕之詩說者謂子矜佻達由學校之
廢弛而濟濟多士克廣德心魯頌歸美泮宮之作
漢文翁創立學舍於成都市中尊祀孔子且圖
七十子之像於石室吏民爭求爲學宮弟子由是
蜀中衣冠禮樂稱盛學修而後士有所歸廟新而
後民知所敬以正人心端學術蓋教之本卽於是

乎在顧乃視爲末務有經數十年之久任其廢敗
而不修者可慨也涉小邑耳在古固殷斯內地流
風善政存焉戰國又嘗入魏與聞有西河卜子之
教其地瘠而民知向義本易於爲善特不得育司
之激厲而振興之頃年廟學漸以頽廢余來淮燕
土每朔望展謁顧見堂廡摧毀諸生盡露處而心
不安也又觀宋大觀御製碑及元時加封

文宣王號制詞碑弔其遺跡太息久之以爲循善盛而
今衰其興復之是余責也乃與學博周君縣佐嚴

君謀於邑士首捐貲爲俱而餘量力以助自
大成殿明倫堂東西兩廡鄉賢名宦諸祠以及諸生肄
業之所次第經理擇者成一二人董之肇工於嘉
慶四年冬月至次年八月而役竣於民無擾事不
費而學之規模廟之氣象燦然殊觀焉爰進邑士
而告之曰凡余之從事於廟學非名是務將效古
之崇四術興三物而邑人絃誦之聲戶有聞也士
咸勉於德行道藝而賢者能者輩出也諸生日遊
聖門且登其堂見禮器車服之盛而獨無慨然慕
奮然興者乎甫落成而我

涉縣志

卷八

藝文

三

皇上御書聖集大成扁額頒示天下學宮使者適至余
率紳士朝服鼓吹迎入敬謹懸掛

聖藻繡煌與殿宇丹碧交爲輝映萬衆仰瞻咸謂

聖天子崇師重道教育多士於是舉增榮爲一縣文明
之兆千載不可逢之嘉會益感而奮并欲余爲文
勒石以垂不朽余謂聖道者萬世所宗而學校人
才所自出多士幸生

盛世承樞樸

正人之化而又有長吏之勸率宜何如自勉他日經明
行修能以其學於聖賢者出爲世用而在鄉黨亦
循循規矩不失爲聖人之徒令人嘆文翁化蜀之
美於茲再見也庶廟學之修爲不虛已是以爲記

修建節孝祠記

戚學標

縣故有節孝祠在

學宮前右側遇

丁祭有司行禮得附祀分享所以慰貞魂而彰闡德
風厲末俗垂美方來所關非細故也顧向之爲祠

僅數楹積久風雨侵蝕垣墉頽圯神無所栖靈無
所安過者竊傷之己未之夏余詣

學展謁顧見兩廡毀於積霖卽

廟堧內外亦多損落於是與儒學周公典史嚴君重
謀建修紳士畢集莫不謂宜而貢生康君紀堯毅
然出貲爲通邑倡乃貢生之母段氏則更以節孝
祠久圯一切修造之費願一已任焉夫學校者士
之所從出也士讀

人書而思所以報其不惜厥費鼎新

殿宇而俎豆之宜也若婦女則非所資也且世節有
有財喜施之婦女亦惟惑於巫覡僧道之說淫泆
是事以祈所謂福田利益至於

聖賢廟食以及古來節烈之祀則固以與彼無與將勸
之而不應烏有并不待勸而慨然私出已積以成
美舉如貢生之母者嘻可謂難矣縣人言貢生母
事實生父知州公最謹知州公一切家政悉任之
而德配某享其成比知州公捐館所以教誨其子
者尤至故貢生能克世其家而取重於鄉里今觀

卷八

藝文

五

此舉而其平日之賢而知義益信節孝祠本統於
廟學然

廟學成於衆而節孝祠獨成之且出自婦女是宜別
書以著美兼爲邑之好義者勸也已

漳社小引

明李四端邑人

落魄生活酣卧爲上痛飲狂歌次之讀離騷及古
今奇快書又次之至拈酸美腐向藝壇較量甲乙
真如以盲者而談黃紫矐者而審雲英也祇博哄
堂一噱余當丁亥之冬蹙首南指一路酸烟苦月

嘗歷殆盡及抵涉瓦瓶傾倒永父殉陶自謂壺中
有天只此便是避秦小武陵牢把泥丸封住洞口
不復許劉郎問渡矣一日宿醉初醒睡眼迷離忽
聞奇香撲鼻榻下作颼颼聲余驚愕者久之徐見
無數八脚異人長可尺許翔舞凡上有魏冠大帶
者有露幘披襟者有叱咤風雲千人自廢者有掣
電飛霜挾金磚而踏風火輪者有神癯貌古如蒼
松怪石之盤踞者有丰姿迥秀肌骨纖妍如姑射
仙人不帶人間烟火氣味者頭面不一情態各別

真如登壇闕菟搬演悲歡咲者卽有聲而啼者卽
有淚也無何諸漸作撲戲狀且逼余余不覺拍案
狂叫諸異人亦卽應聲而寂起視案頭惟有漳社
諸君子文數冊

紫雲洞禱雨小序

國朝

李玉麟

邑人

丁酉歲夏旱魃肆毒農人籽粒空懸不得播種余
隨諸父老承邑侯梁公命取水紫雲洞洞去原曲
村約三十里許悉深山窮谷初入山有茅屋三兩
家行十餘里卉木蒙茸花香撲鼻可愛如入武陵

桃源不類人間世者峯迴路轉怪石竦立如人形
險不成徑攀藤緣木而上經無數盤折始望洞口
不遠至則峭壁倚天下臨深潭洞口有隙地丈餘
容十數人余與諸人屏足而息神稍定方整衣詣
洞如蛙口狀俛而入內稍可仰首行山津如乳垂
垂而未墜中有池深數十尺上常有雲氣神龍之
所噓也旁石類鐘鼓可擊之鳴洞外聞之聲愈振
洞之東南無復路其西則廣深直通山右平邑界
始入黑暗雖白晝非秉燭不可前同人鼓勇而進

余則不數武而返焉抵晚值夜無月燃枯木以照
空山寂歷狐鳴鬼嘯耳目間悉可驚可駭之狀諸
人目不敢閉輪流警柝自衛比曉虔禱奉神水以
歸邑侯迎數里供闕南呂公祠步禱七晝夜不張
輿蓋天鑿侯之誠滂沱三日四野霑足咸詣公堂
謝侯則退然不勝曰此天之仁民之福而諸君陟
險窮幽之所求得也旣爲侯歌因援筆而序之

李琅叔妙華樂府序

國朝

任中柱

邑人

昔太史公贊虞卿以爲非窮愁不能著書而歐陽

永叔敘梅聖俞詩集以爲詩人窮而益工古來才
人韻士窮困幽憂往往有作以傳於後蓋物不得
其平則鳴非偶然也余素稟虞翻之骨長工庾信
之愁傀儡傷心橫胸填臆而渺見寡聞鮮所著述
結舌在心良可嘆也層湖以蹠跣不羈之才秉鐸
於涉涉故瘠邑故甌虛釜魚往往而有而常有蕭
然自得之趣超超於萬物之表人無從而識其愁
者日挾一編手披口吟或沉思冥會或舒筆縱言
撰成妙筆樂府一冊暇日相過從携歸讀之至弔

愁魂團折使夜中夜起舞不能自己胸中數十年
結塞之氣一旦豁然欲吐視昌黎送窮之文章子
貧諍之作反足增人懊惱者又超然遠矣噫六根
萌蘖萬態環生既有心知復嬰世網苟負才情豈
能冥冥此山木所以自焚而膏火不能不煎也而
世之愁者僕僕升斗之需較量錙銖之末攢眉蹙
額遂至星星槁木而不知以若所愁誠非達人志
士之所宜容心者也今層湖之作憤忠魂之抑厄
感才命之蹭蹬弔方正之淒涼賈生之痛哭再三

正平之鼓聲急切跡其激昂慷慨頓挫悲涼間有
刑天舞戚啣木填海之思躍冶迸出而手觸肩倚
動中音節蓋憤排之雄而不傷於雅者也以云沙
華不信然哉噫嘻古今大矣愁人多矣層湖之弔
弔古人耶弔今人耶弔人耶將自弔耶後必有從
而知之者

重修縣志敘

國朝

竇葵常

邑人
進士

嘗攷禹貢職方紀載九州甚悉周以大司徒掌輿
圖而職方則隸司馬此版籍輿圖之所自始故邑
之有志如國之有史所以觀乎風正乎俗守其經
通其變誠致治之本也歲乙酉我

澤縣志

卷八

藝文

四

呈上御極之四十有四年古燕霖刈黃公以經濟才來
宰茲土潔以持已嚴以御下衣食以厚民生教化
以淑民德覩土地之瘠貧憫閭閻之疾苦下車以
來多方撫字正供之外毫不累民得盡力於南畝
石田已徧植桑麻矣且地居山鄙奸宄易生鼠竊
穿窬之輩時爲民害侯嚴保甲以杜其跡布德教
以革其心而盜牛守劔皆化爲良民矣其捐修學

宮設立義塾使七十餘年之人文凋敝者至己丑而余提南宮至癸巳而李子夢麟任子申桂又登賢書焉要非侯之栽培亦何以至此城樓官廨歷百年之久檣楹就圯危如欲墮侯捐俸修葺不苦一民不派一粒無不煥然更新己又以涉邑向多芒糧民累實甚悉設法開除之而民之甦困者無筭焉他如訟獄平而庭可張羅雜派革而民鮮在疚平道路以便行人設郵亭以憩商旅卽編審之爲陞擦漕兌之自措辦牛角濶布之不累窮黎善

政纍纍指難勝屈十載以來飲和食德者不啻嬰兒之依慈母而誠求之無不當其意也簿書之暇繙閱邑志見缺畧不可考者已多乃與邑之紳士謀曰志之不修已二十餘年矣其可攷者昔人已詳之所當續者則今日事也於是折衷舊聞諮詳輿論雲物風土叶者仍之河山勝蹟譌者正之科貢職官缺者續之闕數月而志成凡山川之勝槩前賢之芳規戶口之登耗輿風土之端彖民習之猥朴犁然具備今而後益知我侯之善爲政也夫

古稱善爲政者不過調劑於輕重緩急而先後布
之侯爲政十年爲邑之所急而難緩者已不遺餘
力矣文獻則似緩而實急者亦必披討故實斟酌
古今成不刊之典甚矣我侯之善爲政也從此備
職方之紀載使後之人按籍而求得以圖維而安
阜之爲斯邑永賴職他日之勲名著作亦於是
徵矣余樂得而序之

救荒疏

明楊其廉 邑人

直隸大名府開州長垣縣知縣臣楊其廉奏爲垣

涉縣志

卷八 藝文

三

民災傷幾盡糧差千萬難徵恭報死亡丁戶懇乞
聖明察議以永國計以安重地事臣漳水豎儒叨
中進士蒙恩除授今職於十四年八月二十六日
抵任自西北入縣見村墟瓦礫野鞠蒿萊廬斷煙
炊骨枕塗藉臣卽於車中泣下曰天平聖明軫念
窮民顧此景象必惻然靡寧者及到縣拜印謝恩
畢衙役寥寥城中居民僅如村落臣惟長垣屬直
隸南界壤接河南山東蓋畿輔重地古稱難治在
昔生齒浩繁爲東南鎖鑰歷年以來四載凶荒一

粒未穫翻秋麥浪全齎螟螣之糧明月花村遍處
蝨賊之窟五瘟二豎入口七亡一鬴爲艱半菽不
飽甚者妻解夫屍兄分弟鬻况今秋成無望又或
流徙堪嗟甘棄故土長往他鄉臣按長垣戶口遍
訪子遺死亡過五萬七千五百餘民子孫死絕無
照類者一萬一千戶長垣人丁原數七萬七千五
百九十五丁今僅存尙不滿二萬儒學生員原數
七百今僅存不過三百原額地一萬五千四百餘
頃今盡荒蕪耕種者不過近城三四百畝夫以長

垣六十里民僅存十一於千百以長垣萬餘頃地
僅耕十一於千百且民之繼續待斃尙未已者臣
歷察各縣災荒無過長垣是直隸等郡惟大名獨
苦而大名等縣獨長垣尤甚且邊事倥傯夫馬米
豆急如星火奄奄殘喘方顛踣街衢臣獨何心忍
敲朴之使立盡况民見臣催徵更相率逃走是益
驅之去矣臣不敢違皇上功令更不敢殲皇上遺
民縱竭盡心力萬難措辦前蘭郡公疏俞旨更乞
皇上垂憐長垣極荒曲轡寬恤重念皮不存而毛

安附廩無粟而釜何炊敕下該部早議蠲免或減
里編戶或遷民實村俾臣得從容撫恤糶糴黎士
庶王畿重地漸見生全錢糧有出而國計亦可永
保無匱矣臣無任惶懼待命之至謹具奏聞

書涉邑芒糧事

國朝 黃 澤 邑令

涉邑舊有芒糧一百三十一石六斗六升零久爲
民累或地被漳水衝沒而糧尙存人經荒歲逃亡
而戶仍在號爲芒糧歷年既久無憑清查小民賠
納之苦實繪圖難告也澤自康熙乙酉履任心竊

痛之擬將詳請豁免則現在歲徵之糧勢難缺額
倘視爲歷來銅弊置之膜外則忝爲守令如此民
痛何其最苦者如符山二里之石成章石生光等
芒糧共二十一石七斗零每歲輸納不前屢經捐
俸代解其他各里芒糧有甲催代賠者有族屬承
賠者有甲下攤賠者念此瘠土窮黎正供尙多拮
据奚堪苦辦賠糧竭髓餉脂何年可免無已酌一
權宜之法清查各里有新墾之田或隱糧之地實
其從前隱漏之愆緩其起科轉報之條卽將其應

新糧之數抵補本甲芒糧再近年以來渾波不揚沿河一帶淤出灘地頗多勸令里民墾闢新淤或開理舊荒行之數年共陸續報過新糧三十一石一斗三升零卽將符山里石成章等並乘雲玉泉等六里芒糧照數抵除其甲催代賠族屬承賠二項幸先已清除免累矣但念此一時權宜之計非確行不變之條在芒糧之戶恨不能早除剝膚之艱而新墾之家又不免吝惜辦糧之費况欺隱之弊細民故屬無知豪右每多玩法非詳明立制

計未爲善也會龍山等里甲催李明和等以百年民累應除等事連名具詞前來遂據詞詳請各憲批准詳覆允行並飭按季報查嗟乎此涉邑窮黎之大幸也自前秋七月起至今三月終止各里陸續首過糧五十五石九斗二升一合九勺三抄俱已按季詳報抵除芒糧合計一百三十餘石之總數已除過半矣約存四十四石六斗一升零嗣此以後願涉之士民共相勸勉無論舊地新田凡有應報之糧俱遵文首報不二三年芒糧可以盡除

將涉邑數十年之民累一旦脫然豈非快事乎從此再有新墾者仍照例報上起科以增賦額庶幾國計民生兩得其全而澤十年以來幾經籌畫之苦心亦可見諒於涉之士民也夫

鄴下苦案辨誣

國朝 戚學標 邑令

始宰臨漳陳君爲余言涉糧有弊寄於臨者未之信及觀王象天鄴下苦案跋則涉縣寄糧一事在焉云明永樂間涉縣勢人郭太師園內有三川柳被漳冲流家从沿河踏尋至臨鴈見三川柳遂指

涉縣志

卷八 藝文

巽

柳爲涉縣柳指地曰涉縣地將涉縣額賦坐派臨漳額賦中二百年來相沿爲民害王親爲其縣令語當不誣又言曾申於直指批允釐正而爲承問衙門所沮若言之有餘痛者余乃益駭而疑矣臨涉相距三百里涉水能害臨而無並其地淤於臨邑之理彼勢人何名而責之賦且考涉志及遍詢涉父老永樂間並無所謂郭太師其人者推求其故蓋明藩儀衛司故有安陽臨漳二縣柳園地後改派涉縣計地八十五頃四十六畝零歲自涉徵

交二邑轉解趙王府及涉地冲壞糧無所出乃轉
責安臨自解終明代至 國初未改臨人嘵嘵不
已謂涉之移害於彼也涉人亦謂糧固彼之糧彼
始實禍我而轉咎我之爲彼禍耶數爭於上憲順
治十二年巡撫亢公廉得其實以涉地現冲壞而
額賦本在安臨二邑乃以涉所存柳園地空糧並
加徵銀九釐共五百一十四兩七錢四分五釐九
毫具題仍開除與二邑於是臨人始悟浮多之糧
几皆明藩府之作備與涉人無與也且并非郭太
師之故也聞趙藩嘗挾臨漳代安陽納米二千石
而柳園地之賦更至今爲二邑害親王一時倚勢
流毒數百年之久復使吾涉橫受其誣噫可畏哉
象天文現載郡志恐後人誤謂實有其事而涉之
受誣無已故爲核其顛末如此

大觀聖作碑考

國朝 臧學標 邑令

涉城之西隅故宋時學宮在焉有夫觀聖作碑歲
久斷爲三卧荒草間既又亡其二惟一石存已爲
人砌廢墻中碑字斷落不可以句是也人雖知爲古

蹟口相傳顧未明碑之原委卽志亦止稱所載大抵三舍取士法一語而已余細辨認髣髴見有孝弟睦嫻字又睦嫻爲中任卹爲下句隱隱可讀又有上舍司成及兼中等二行等字証以偃師金石遺文所載大觀聖作碑乃知云孝弟睦嫻者原文係孝弟睦嫻任卹忠和爲入行也云睦嫻爲中任卹爲下者原文有孝弟中和爲上也其云上舍司成者原文係奏入太學免試爲太學上舍司成以下考驗不誣申尙書省釋褐命官也至兼中等二

行則上連全備四行或不全一行爲文乃州學上舍上等之選也是碑雖不全而偃師金石遺文全文具在他可曉然矣考史徽宗紀大觀元年三月甲辰立入行取士科九月十八日資政殿學士兼侍讀鄭居中奏乞以御筆入行詔旨摹刻於石立之學宮次及太學辟廂天下郡邑偃師碑係二年六月博士李時雍奉勅摹寫太師蔡京題額涉立碑當亦在二年第摹寫題額爲李蔡與否則不可知耳聞魯山亦有聖作碑益証當時天下郡邑皆

摹刻而存者寥寥以所聞見僅三處乃魯山碑志云已佚偃師遺文雖存碑不知所在然則僅存者惟涉而又以片石湮埋於土墻沙礫中遲之又久焉知不并此而失之徽宗事無足取獨入行取士科原本周官六德六行論秀書升遺意爲可法碑文兼係御書雖殘石余以爲重勝良嶽因爲考其原委并碑文大要書以示後庶幾與邑人共珍之云

石鼓懸鐘考

國朝

戚學標 邑令

古冀州圖經鄴西有石鼓焉後人莫知所在因以武安之滏山當之謂山有二石如鼓南北相當故又名鼓山考水經注滏水出鄴西北石鼓山南岩下是滏山之名鼓山舊已顧引魏都賦神鉦迢遞於高巒之語謂石鼓又名神鉦則余心疑之夫鼓石物鉦金器其爲不類甚矣詩鉦人伐鼓注謂鉦以靜之鼓以動之鉦鼓各有人而言鉦人伐鼓互文也明二物周官考工記鳧氏爲鐘鼓上謂之鉦注鼓所擊處鐘腰之上居鐘體之正處曰鉦則鉦

固鐘體而所謂鼓者初非鐘鼓之鼓安得比鼓與
鉦而一之余以天下無象之物或難考信若鉦鼓
則皆有形質可求必其象之相似而後名因之而
起武安令陳灝遊鼓山嘗求所謂石形如鼓者不
可得則滏山之石鼓已在疑信間於神鉦乎何有
涉距武安百里餘俱在鄴西離縣二十五許亦有
石鼓山其村曰懸鐘村訊之邑人云山上有石圓
象肖鼓拂之有聲又有鐘形下垂而上紐若天成
者村之所由名余乃恍然悟魏都賦所謂神鉦卽
此而在矣蓋鉦固鐘體又爲饒鐻之類孔穎達所
稱形似小鐘者土人以其形與鐘似因卽以鐘呼
之更不知其爲鉦而世之言神鉦者又惟其聲之
求而不惟其形之肖此所以在耳目之前而失之
也石鼓之在武安與涉余不敢爭而神鉦則斷以
爲卽懸鐘是今邑人以爲八景之一此徒里俗之
見於考古曾無當云

涉邑賦

以天寶物華地
靈人傑爲韻

張作肱

維沙湯之昔邑隸鄴下之西偏星野仰占乎室璧

版圖近附乎幅員樹保障於中州兮依太行以作
衛關通衢於上邳兮憑毛嶺以相牽陟玉露以東
瞻兮壤錯乎滏陽之界沂衛漳以西顧兮道通乎
遼邑之邊盱黎國於南疆兮雲銷乎壺關之玉峽
望神鉦於北土兮霞籠乎鼓岫之金仙山映朝陽
兮既先觀夫海日林明夕照兮復別開夫洞天若
乃螺黛凌虛岡巒環抱天挺其奇地呈其實仰符
峯之插漢兮元武列而爲屏企仙掌之凌霄兮朱
雀翔而作堡左分支以環衛兮青龍旋繞乎虎淵

之嶺右擁護以交維兮白虎關撐於鳳原之腦龍
山中峙兮勢夭矯而不羣風洞前迎兮色青蔥而
獨好爾其遙覽風光翹瞻雲物四塞崢嶸諸峯盤
屈韓山片石峙與帶雨之雲熊耳六峯恍接化城
之佛握補天之彩石兮古蹟獨存駕佈雨之飛龍
兮奇踪獨蔚瑞氣蒸於東南兮鈴岩與雲洞交輝
晶光吐於西北兮石鼓與懸鐘不刺虹掛青頭兮
激飛瀑之瓊漿嵐縈翠蓋兮聳栢臺之蔥鬱時或
臨流寄興傍水生葩晴川現媚雪浪噴花樂禽魚

之游戲觀荇藻之紛拏漳水波清曳長流之素練
玉泉浪暖擊曲沼之朱華湧萬斛於山間兮溢河
涓涓而落澗澄一泓於岩岫兮龍洞滴滴而成窪
任疏渠以深兮喜良田之有穧王築堰而障兮沐
遺澤之靡涯因之披覽遺踪追維往誌奇士揚芬
高人騁驥古城憶趙氏之雄故里傳岳家之異上
書三老訟冤不沒於青編渡罌一軍駐節曾標夫
赤幟墳餘石馬崔君之逸韻猶留官盡錦衣姻氏
之流風不匱列烏臺以著美兮御史無忝於科名

標淡墨以流芳兮黃門不愆於給事節著西和兮
忠義出於一門疏陳北闕兮慈良冠乎羣吏苟可
爲砥柱之人寧拘於彈丸之地是皆淨聰明於冰
雪走精銳於雷霆集山川之秀氣發二五之菁英
空馬羣於北野奮鵬翮於南溟故能實副乎干城
之重寄因以媲美乎崧嶽之降靈若夫心存導引
意切歸真繩開覺路筏渡迷津丹藥蜚香草廬曾
駐蓬壺之鶴泥牛棄鼓石塗亦昇閬苑之賓山重
而水複兮知錫飛之所自柳暗而花明兮識羽化

之有因欣玉燭之常明兮業輝映乎飄飄之仙侶
羨菁莪之永茂兮還涵濡乎藹藹之吉人歌曰
之高兮精氣結水之長兮清光澈風朴而淳兮士
秀而文俗勤而儉兮農勞而悅選其俊兮拔其尤
將和其聲以鳴

國家之盛兮是所望於應運而生之豪傑

宋武翼大夫崔國華墓誌金失名

公諱國華字德夫涉縣乘雲鄉延福村人也僻好

讀書善爲文孝弟仁義公其盡之在亡宋日

此亡宋指

涉縣志

卷八

藝文

三

汴京非臨安之宋

正行三舍法以正月棚試縣生中選在

府學外舍期年未遂志改入武學外舍留心武經

及練習弓馬私試得成上等較定明年春公試升

入內舍私試至歲終義策累作魁又成上等來春

一路聚試平陽果獲高薦得游上庠外學一年升

入太學公在太學十年不滅燈不脫衣亦未嘗告

假苦心勞形惟以進德爲事至政和八年

舊志譏作至元

則元時年號與下稱宣和不合

二月春試武學上舍程文入優等

弓馬入超越三月二十八日唱名第四入第勅賜

承節郎時年纔三十差成都府路弓馬教諭未之任間差權平定軍平定縣尉至來年方赴成都府路宣和三年授婺州金華縣尉捉方賊餘黨數夥劄付武翼大夫公享年五十有四其子某遷奉葬於北山之陽錡曰克孝克弟篤仁能義篤學十年衣未嘗脫燈不曾滅假來始告文入優等武能高蹈邈邈嘉臣於今罔旣雖欲追之儔能可繼時大

定十四年

後缺 按國華仕宋在徽宗時未久徽宗失國涉地已入金國華歸葬本土則

必自南方棄職還歸故里誌後半有佚文也此誌文義古拙言三合法皆符史傳非偽撰者特年久

涉縣志

卷八

藝文

五十四

字跡脫落後人誤認亡宋為南渡遂於年號缺處謬作元至元不知其與宣和先後相背也向苦文義斷續因稍刪潤存之并附說於此

大理少卿李公傳

明呂坤寧陵人

公名棟字尚隆別號吉軒先世黎城人數傳而從

善者遷鄴之涉因家焉王父大良有隱德子仁以

孝顯祠其鄉實生紹則公父也號拙菴後以公貴

贈監察御史拙菴嘗令井陘稱循吏詳載邑乘中

子四長及叔季俱繇文學翩翩競爽公居仲生嘉

靖壬辰少而岐嶷俶儻有大志既就塾傳荷應聲

蘄蘄多奇稍長補邑弟子員試輒領諸士性至孝
拙菴公故多疾侍湯藥惟謹至中夜籲天請以身
代者再辛酉與余同薦於鄉明年拙菴公捐館哀
毀幾絕公好古文辭數上春官不第喟然曰文奇
數固奇也弔詭而俟獨知難謂命矣後稍稍就繩
尺又與余同登進士第時隆慶辛未也釋褐令晉
之陽城政用寬和然於大憝亡少貸嘗曰養禾者
去莠於莠非不仁仁禾急耳於是法諸豪斷者修
腥臚者作奸敗類者若而人邑大治民歌神明至

呼爲包待制竊於今尸視之明年入覲舉循良高
等賜金賜宴於禮部皆異數云徵拜御史則慨然
曰三尺法人主所恃以一海內吾業爲執法使奈
何以法市權貴始視都城南廉諸不法按之虎冠
者斂手無何巡離兩浙浙鹽故多隱蠹弊竇百出
公悉釐剔之歲省無名金錢數萬罷一切幸權蠲
通課二十萬有奇疏蠲政數款大都節浮杜濫優
灶通商皆前人所未及制可遂著爲令公以耿介
不悅於江陵先是江陵有父喪當奔計臺臣議留

公曰相公當以孝先百僚奈何以不孝媚之疏具不署名尋按畿輔命下大璫馮保致幣甚張公却之保怒遂絕公公亦絕保於是內外相交陳公然公行完伺無隙卒不能加害公行部務以恬澹風守令嚴戒毋郊迎毋供具有不率輒移檄引咎曰御史有遺行與胡不能信諸君子長吏媿且服悉如約監司化之道路以寧三輔通衢多萑苻警捕之急則應散而有司者率連坐公曰盜一耳而捕者幾匿者疑似株蔓者幾夫以十無辜易一遁盜

是以盜令也諸文致者百數人立出之盜遂息時有司請均田公疏曰夫料民田以釐弊良是苟不得人徒益弊耳臣部扶風未有以不均見告者安事驛驛諸郡爲萬一不肖吏增僞畝益實稅以博能聲弊令益甚請罷均於是止清諸郡淤沙田千餘頃奏豁之流民感泣復業者萬家辛巳以王太孺人艱歸闔門謝客足不入郡邑甲申復除浙江道會天子以待以爲親軍操禁內諫者盈庭率坐譴公委婉數百言以疏上納之已復按淮揚水決

蔣家口沿河郡邑漂溺近萬家公仰天祝且拜曰
臣不法願受顯戮奈何魚吾赤子言畢水退尺許
見者以爲誠應下令各長吏賑恤仍括郡國諸贖
緩爲災民代完今年之租所全活甚衆觀河因白
潘司寇治河狀云季馴總河務陳宋後一人今刑
名事爲言者所頷至削籍能捍大患者懼矣天子
聽其言後起季馴復其官仍總河則公力也丙戌
擢大理右丞晉左明年晉貳卿公故清名法獄無
鉅細必叅互劑量若持衡然不爽錙銖李督撫材

以詐功坐死公上疏言材之罪不至加誅材之罪
足以薄罪上竟薄之公雖習數家戊子九月召諸
子命之曰自而公起家陽城入爲天子持法使自
惟負國厚恩獨斤斤奉三尺未嘗以意細一吏罪
一人庶幾無負此心耳小子志之言畢溘然物化
其神識先定如此性儉居廨一孤泊籩篋中圖書
數卷家計泊如地淳年五十五有七有丈夫子四人
語具王太史狀宋太宰誌中司寇氏曰語云水有
源木有本信然哉李自出於公而上世以孝行著

萃而其續餘乃在經術公之中夜露禱蓋所從來
矣當權幸時令少委蛇可亟得志顧所堅持者有
重於華艦在也公出入法臺二十年蕭然囊橐身
亡之日諸子僅不至饑寒緩急或稱貸立身而名
揚可謂孝子所至蒼生受福可謂仁人不封殖其
身可謂廉吏磊落無微暖行可謂偉人乃事業竟
若斯乎吾不爲公悲爲世道悲矣爰傳其事備太
史氏採焉

翰林庶吉士任君墓誌

國朝

方

苞

桐城人
侍郎

沙縣志

卷人

藝文

五

乾隆三年九月二十五日申時河南南翰林任公東
皐卒於京余聞而哭之其子謙扶觀南歸十二月
持公行狀哀懇惻怛以墓銘來請余叨教習南宮
知公詳且悉於其忠孝性成文行兼備犖犖大節
遠過人者未易更僕數也公諱中柱字迴瀾世爲
鄴之沙陽人其曾大父孟秋不仕大父文翔公有
顯德父潛九公以理學名於時公生而穎異十歲
受書卽慨然以明道爲任稍長才思敏捷爲文灑
灑數千言康熙癸巳舉於鄉乙未成進士入翰林

習 國書甲寅罹母艱除服再補庶常未幾歿方
公館選初輒以母老乞終養章凡三上朝士或阻
之而公志益決既歸竭力就養歷二十年不怠以
視絕裾太真母死不及奔喪爲終身恨者賢否奚
若耶公伯兄蚤世次兄自幼失明篤敬逾於常格
其至性如此家居雖優游田里以道自樂然心倦
倦在朝廷間談及時事皆根本經術剴切世務非
所稱廟堂則憂其親庭幃則憂其民者與公天性
謹嚴坐立有常度未嘗跛倚踈放雖燕私不少適

平生博極羣書課子弟嚴有程品邑里後生來謁
諄諄教語必依於禮故執經問字戶外屢長滿皆
稱祭酒先生不衰與人交溫恪而信不爲激言厲
行覲其光者咸嘆爲春風遲日也嗟嗟以公之才
與公之德與養使天假之年黼黻 明廷佐時出
治功名事業古名臣不能過何一朝星墮溘然長
逝乎顧公德望文學煥煥照人雖志業未終亦堪
不朽已公生於康熙二十一年十一月初五日辰
時享年五十有七娶李氏文林郎鳳陽公長女男

謙讀書有父風娶李氏女二孫男二孫女一長幼
歸嚙俱詳狀中明年將葬於城北龍山之原刻石
以誌其銘曰德粹而溫道大而方光風霽月玉質
金相名列彤庭志切萱堂大孝垂型與日爭光聞
訃北來淚酒滿樽勒銘幽宮哲人不亡

邳州知州康公墓誌銘

戚學標 邑令

公諱杰字超羣雙峯其號也世居涉北鄉涉爲豫
邊邑在太行之下萬山之中地僻而險民俗淳朴
類耕種自給獨公家代以儒顯公會祖鑄九公有

沔縣志

卷八 藝文

李

清德祖琢吾公郡縣以孝友旌事蹟詳志乘顧皆
未遇其用文字取科名者自公叔祖瑞公公始而
公父西坡公諱秉禮繼之公又繼之蓋祖父孫三
世登賢書彬彬爲河北衣冠望族矣公少承家學
兼天資穎異於書無不窺丁卯魁豫省時年僅二
十四乾隆三十七年揀發江蘇試縣事先署桃源
縣改沛縣實補鹽城縣調署句容期年回鹽城以
能調青浦陞邳州牧旋離任未久仍補邳州凡公
歷官二十餘年皆不離江南而在淮徐間爲最久

功名亦於淮徐爲著蓋自江淮被災大憲檄委臨
江寧粥厥時已灼知公能比署桃源遭黃流齧堤
百方搶護活生靈萬計用是能益彰其至鹽城也
適高家堰合黃水漫溢淮揚鹽首當其衝大涉瀟
天不辦村落公奉檄促裝星發由馬家蕩乘小舸
而來值逆風幾覆衆相顧色沮公謂民亟矣吾行
不可以緩風雨中凡兩喚渡始達官署至輒具狀
請速賑災民又虞吏侵漁親爲撫給鹽人咸感泣
謂公實生我也鹽數有海患公之再任乃益爲民

籌永安計相地築縣令每年九月三日下版至次
年三月三日而開以豬以泲旱潦有備又請於上
憲俾附近興化東台等縣一體遵行自是斥鹵皆
爲沃壤而頌聲達隣境矣公所至有循績然善聽
斷吏不能舞文爲奸沛有命案歷數任不得主者
公密偵獲其人一訊而服私梟季光祖爲鹽城患
至白晝率衆拒捕親督役擒獲置之法王匡者邳
之巨盜也常公剽掠兵殺不敢近公託查烟戶單
車赴陳家場出不意逮治之匡死而餘黨皆散又

邳舊有撫刀會皆椎埋之輩屢犯法至是悉改化
爲良民至沿桃源決史家樓兄弟爭產之獄釋株
連生監數十人在句容半載平反積年冤獄數百
案又公之威德兼濟者也自餘如撥鹽城流均溝
涸田膳生徒墾瀕海荒田利灶戶除青浦漕糧之
積弊廣邳城育嬰之仁政凡有利於民者孜孜爲
之製不及以故雖兩絀衷議而

聖主心知公賢且

察公無罪仍

涉縣志

卷八

藝文

空

命回江蘇候補蓋方駸駸向用而公返邳州任不半年
已捐館矣公律已甚嚴居平無藻飾處鄉黨以和
訓子姪以儉尤好親禮士人最後進多所成就丁
酉己亥庚子三充同考官所得盡知名士江南人
服公之識有遺集數十卷藏篋笥其孤綬基將謀
梓以傳公卒於乾隆六十年二月初七日酉時距
生於雍正二年甲辰六月初九日亥時得年七十
有二云銘曰循循乎其德歷仕而懋厥績已乎公
乎而南中至今頌不息也特山之陽公其宅曰惟

不朽視此石

重修媯皇廟碑記

國朝 李可珍 邑人

蓋聖人有無極之功後世當有不已之報聖人之
功無不在卽聖人之靈無不昭而後世之報之者
固不問其何人與何地也如我涉 媯皇之祀自
明洪武間以禮官之請增祀古帝王陵寢於是始
祀於翼城然天下無地無媯皇祀以彰德一郡言
之如安陽內黃林縣皆有廟而尤以在吾涉者香
火爲盛吾涉之祀亦不一處而其至靈且顯者尤
莫如唐王山山故爲北齊高洋臨幸處行宮在焉
壁間鏤石爲古佛像左右四旁皆鐫梵經爲一邑
勝景媯皇廟在其上不知建創所自始闕碑碣兩
條於明我

朝順治康熙雍正間歷經修理每年以三月十八爲
神誕有司致祭自月初一日訖二十啟廟門遠近
士女羣集躡摩趾錯善信喜施歲修之費沛然有
餘顧胥役從而侵剋之歷經善縣侯彭公張公申
禁其弊仍不能革以故數十年間廟宇頽圯日蝕

雨風雖靈之顯赫如舊四方祈禱不斷而上無以崇像貌下無以肅觀瞻非所以爲敬也傳言媧皇煉五色石補天非天真有缺而媧皇補之也蓋時制度未立得媧皇別男女通婚姻佐天以立人倫之極於是人世無復缺陷事厥功偉矣媧皇爲天下萬世補缺陷而今乃聽神廟之頽落而不知補尙可謂吾祀以報其功乎幸佳持某慨然有興復意又會邑侯戚來祀紳士以請而侯欣然從令香資之入悉歸廟胥役無得假手士民欣躍工始於

涉縣志

卷八 藝文

六

乾隆六十年二月竣於嘉慶三年十月自正殿以及大門盤路垣牆煥然一新且校前更加堅緻嚴整焉媧皇爲古聖帝百姓分不得祀非涉所宜有而功德之在人心者雖窮鄉僻壤欲得而報之所謂不問其人與其地也嗚呼此人心之公也故敬爲之記

重修媧皇廟碑記

國朝 楊毓崧 邑人

涉境多山以媧皇山爲勝邑祠宇甚夥亦以媧皇廟爲大別有廟在河南店西北偏與山相距二十

里許背枕清漳門橫渠水春暮野綠溪青丹碧互
映遠近以神誕進香經過者絡繹不絕明禋之盛
不亞媧皇山也以邇旱河河水漲沒不常廟墻屢
被剝蝕經康熙己丑與乾隆己卯歲再修更今數
十年之久依然傾圮惟正殿巋然存然亦不蔽風
雨幸際時熙歲稔人心樂善廢者悉舉鄉人某等
慨然以廟興復自任捐貲募力以次經營先四圍
墻垣大殿享殿副及配殿歌樓住持之室肅客之
堂無不改建重新工起於嘉慶元年告成於嘉慶

三年謀勒石以垂永久而燭余爲之記余惟祀典
有功德於民則祀之古紀載媧皇別姓氏通婚姻
當渾噩之世飲食男女之節制未備也媧皇佐太
昊之烈統馭天下爲萬世建人倫之極其廟食千
古固宜而世惟張皇其補天痕折釵足繪泥跡諸
說異神奇之事而豔稱之亦誕而不經矣廟自建
置以來規制已可觀今則烏革鞞飛益隆其棟宇
壯麗輝煌燦然金碧綜計所費不下千金而絕不
見民之勞與財之傷蓋古皇功德人心旣思報無

已而又我

朝重熙累洽物阜民康太平百餘年於茲百姓無驕淫之習有誠敬之心於費所不惜而用之惟其當以視夫惑福田利益之說而竭力以奉繇流者得失爲何如也夫神之靈無不在然依於人之心人於神盡其敬則神必福之若其靈之愈昭也嗚呼此媯皇之祀所以於涉特盛也

建長泰知縣公祠記

李龍章

李氏有宗祠二其一祀始祖御史公以下其一余

涉縣志

卷八

藝文

六

祖知縣公祀御史公者爲大宗爲合族所公建祀知縣公者爲小宗則不肖章奉先君遺命擬成之

者也李在涉二百餘年自御史公後雖承德襲訓書香相繼稀有仕者至祖知縣公始由諸生循例入貲授徵仕郎遷福建龍溪尹治行優異爲上游器重陞署長泰縣事以勞卒於官旣奉主以附於先御史祠中矣而聞之父老感公遺德於龍溪長泰亦皆有祠以志甘棠之愛顧先君之意又必爲余祖別立祠者非獨援別子爲祖之義自爲宗也

亦非崇土木之觀以爲先人榮也蓋知縣公遠宦東南前後十餘年並在閩海之地水土卑濕余祖母北人性不習故先君隨任無幾時卽奉祖命隨祖母以歸凡余祖飲食之奉起居之節以及夙甯道塗之勞勩雖幸有庶祖母陳暨余叔在側而先君念道里遼遠關河修阻歲時定省有缺甚至捐館之日不能一親湯藥視襚含僅於數千里外匍匐拊棺一慟昊天罔極欲報無由思於先御史祠側爲余祖特建一祠隨時薦饌晨昏禮謁如祖有

日依依膝下庶以續前愆而稍盡人子之分也方事規畫以節逢歲歉役不克舉垂危猶口喃喃以命不肖曰若能成吾志吾目瞑矣不肖受命經理凡數年而知縣公祠始成計屋三楹前築拜臺大門寢祠念壹亭齋房各三楹制亞於先御史祠而堅緻畧相等復入田二十畝以爲後世將祀之需旣歲事因集子姓述所以建祠之意俾知知縣公名德并先君孝思不能自己之故且令後世歲有修焉與御史公祠巋然並峙於不朽以爲李氏之

大小宗則不孝之所厚望焉耳嘉慶二年四月十日
五日記

詩

過吳兒谷

卽吾兒峪

宋韓琦安陽人

曉入吳兒谷危塗信不虛千峯疑絕路一逕俯容車
山鳥過雲語田夫半嶺鋤時平盡周道天險欲何如

過涉縣熊耳山

韓琦

我從團柏歷山岐秀絕惟於熊耳知芳草經年被重席
輕雲無日展時旗羊頭有黍名終俗壺口稱關類亦卑

涉縣志

卷八藝文

六

何似半天留鶴馭此來憑軾與仙期

題熊耳寺

金天游老人

熊耳爲一邱漳水爲一壑夜眠雲底床晝登雲外閣不
知如何人得來享此樂自恨塵緣深不能頓辭爵

遊清泉寺

明邵光先文川兵部侍郎

乘輿登山解客愁西風吹灤一天秋梵宮秀剎羣峯翠
泉水清拖百折流了悟涅槃虛正覺光明舍利靜初收
參禪坐久滅忘倦塵世功名總是浮

清泉寺

明童正蒙衛輝府推官

太行山畔寺棟宇不知年石室空成相雲林靜入禪龍
池澄夕霽熊耳淡寒烟著屐藤蘿上飄然思獨元

秋日同楊經府清泉席上作

明 潘子雨 鶴溪濟南人
臨漳知縣

熊耳書頭上界幽蕭蕭草樹動高秋白雲一縷橫蒼壁

楓葉如丹點碧流石磴崎嶇驚鳥道笙歌繚繞落林邱

感君發我登臨興醉詠琳瑯石上留

此詩誤傳
為張潛作

遊熊耳寺

明 裴 宇 內山禮
部侍

秀色從龍熊耳山招提隱映半巒間披林盡為行雲繞

穿峽欣看漳水環風送鐘聲簾外遠晚聞梵樂坐中閑

涉縣志

卷八 藝文

五

四水川谷分三晉河朔重圍第一關

再遊熊耳

明 馬攀龍 信陽人本邑
教諭陞主事

重遊熊耳寺景物總撩人雲護如來殿風翻貝葉文甫

餘泉瀉急日暮鳥鳴頻苦被塵纓縛依栖愧此身

涉縣道中

明 夏 言 桂洲人
學士

春深不見花高岸漫碧草細雨濕幃帷昨日黎城道

奉聖寺

明 張應登 本府推官

峻嶺屏開面面峯老僧談偈跨青龍靈根古柏長從

北水煙橋遠應鐘午夜月明諸品靜半空鶴駕

可知紫馬新題處未許花山次第封

涉縣閱邊作

明會

銑石塘河
南巡撫

羣山疊疊鎖煙霞一水環流路更斜
蕭寺依巖塵不到臺臣駐節思無涯
經營總為狂酋計保障誰開大將牙
堪羨樽前李叅伯慇懃設險為皇家

題屏翰樓

會銑

欲舒華夏憤何日展良圖經畧才難盡
馳驅志不孤王師終薄伐士女定來蘇
終夜彈長鋏天生不我徒

和曾大中丞屏翰樓作

明魏有本河南巡撫

涉縣志

卷八 藝文

七

皇明全勝地近復壯邊圖將令威行遠
君恩誓不孤敢辭精力瘁惟欲士民蘇
慨古賢良者青編重此徒

李衛公祠二首

明潘榛鄒人

雄畧扶真主英風景後賢成功唐社稷
食報晉山川古廟凌雲舊蒼松帶雨鮮
低回問祀事不記自何年
一身百戰後遺像亂山中挺挺萬人敵
桓桓諸將同高峯常傲日老樹懶呼風
啾笑凌烟閣丹青今已空

毘盧閣

明任澄濤邑令

毘盧石閣倚天開瑞日慈雲繞翠臺
滿眼山川看不盡

虎溪明月照人來

玉露嶺

任澄濤

嶙峋齊華嶽壁立俯塵寰
跨越千尋澗逶迤萬仞山
馬嘶蒼霧裏人踏碧雲間
絕羨空中鶴翹翔不可攀

熊耳六峯

任澄清

山光接海色呼吸與天通
曉起峯頭望層樓在眼中
山際見明月依稀掛此峯
須臾掛不住飛上碧雲空
孤峯宛似人壁立塵寰表
歲月幾千年乾坤同不老
怪來石上痕削出狀熊耳
卧聽谷間風聲吼烟霧裏

涉縣志

卷八

七

旭日出扶桑光射松邱頂
鬚髮陽之阿婆娑美日影
雲蒸千壑暗雨過一峯晴
跌坐空林裏忽聞大籟聲

登屏翰樓和韻

明孫存
滁州人按察使

萬壑千山夕照中飛揚旌
旆拂層空青園玉壘參差見
綠蔭金湯次第通烽火遠
銷并隄外簡書遙下趙燕東
麻令破落瓊裘胆準論當朝第一功

屏翰樓繼作

明孫錦
副使

迢遞關河一望中
峯巒西面揮晴空
細分漳水山形斷
雄接燕雲地脉通
雉堞有無青嶂外
人家寥落碧溪東

極知漠北尋當通塞上誰收戰伐功

白雲亭

明李熠 邑人

誰將巨斧鑿清泉古寺幽奇峻壁巔路徑委蛇三十轉
河流環繞百千年振衣逸興舒眉眺探韻新詩得象先
最愛清濤如噴玉頓令心曲洗塵詮

涉縣卽事

明劉昌 副使

沙國分封世已遙漳流平步路蕭條馮亭墓在民風古
簡子城留伯業凋玉圃碧桃千樹好珠林紅葉一庭飄
乘閒欲上龍山望百感中來未易銷

涉縣志

卷八 藝文

三

涉縣感題

明趙東魯 府通判

鎮日褰帷大暑侵山城暫憩澗瀉塵心石田尚憶漳河遠
雲岫仍憐鳥道深短榻無情消晝飲閒庭有興對簾吟
笑將叱馭王郎事頻向崎嶇路上尋

題境內古蹟

明楊其廉 邑人

誰上冤書訟九扉淮陰營柳望依依莊唐矢志療姑少
張許同心報國稀帝妹補天真似假馮亭禍趙是還非
唐宗駐蹕踪難問簡子城邊月影微

春日登青頭山

明吳體 武安人

漳流如練護禪關紺殿霏微翠藹間高樹呼風千碧落
寒雲欲雨綴青山諸天梵响清塵思一杓甘泉醜醉顏
好鳥復來枝上語日驄乘興不知還

謁衛公祠四首

龔 體

繫馬荒林問古祠太原想像起兵時山河爭得今何在
晉邸輸贏一局棋

雲開四面青山近風吼千章古柏稠地勢西連靈石縣
英魂知向此中遊

未酬逐鹿當年志可是從龍絕世才自古英豪難物色

涉縣志 卷八 藝文

三

阿紅底事識塵埃

桓桓百戰靖邊疆海外今猶說大唐可奈天驕時出沒

長纓誰復繫名王

與文書院 郡丞李公索題

明 程德良 雲夢人

修業無揣地野馬相氤氳安得魯陽戈屹立迴斜矚學
記有明訓敬業須樂羣睠爾如龍蟄且暮矚風雲金蘭
羣有孚壹志攻典墳卽此梯仙國鴻苞洽殊聞獨對殿
廷中不律揮千軍回首惜陰時惜寸且惜分不見隣有
祠誌祀文昌君所願諸才杰文人賁天文

寄題清泉寺

程德良

隆慮古名勝千仞別有天聖僧開榛莽古刹懸其巔清
澗自可挹不必龍移泉兩花洒萬木松柏何知年梵音
入行雲鐘磬聊安禪俯視大漳流襟帶清且漣如此會
心處那問洞庭船由來闕士林闕寂寒人烟我欲往從
之如採玉于闕何當掛綠杖聊成卧遊篇

媯皇聖祠

程德良

寤羲軒乾軸龍馬衍天畫寧知有媯皇補天書簡冊我
觀天積氣補之豈煉石意煉太液和自可翻六翮迄今

涉縣志

卷八 藝文

七十四

西北傾裨補豈在迹香火亘萬年靈爽自赫奕九十春
光時貯壘不索莫那更惜憤徒操弧向天射寧知丈夫
母直為補蒼碧寄語諸談奇須詢混沌闕

熊耳春遊

明王

鏞

邑人官
教諭

邊陲無警報乘興賞春遊翠柏懸崖長清泉抱石流高
峯藏野寺新屨掛銀鈎不盡登臨意還看天際頭

清泉寺寫懷

明

李四端

州邑人知

招提直上躡青霞負笈曾來擢月華擊磬尋聲神自慙
繙經得句味偏奢峯峯鶯出雲間嶺朶朶蓮生鉢裏花

懶散老癯迷世路好從一指渡西懸

客中思涉

李四端

韓峯一柱插漳湍遠隔黃流極目看夾岸烽烟迷舊國
穿城車馬撼危關况遭碎壁誰知苦且值囊羞我自寬
何日塵清多雨露歸家笑傲拾餘歡

遊清泉寺

國朝

毛際可

遂安人
郡司李

峯巒酬宿好策馬亂雲邊寄趣禪兼隱探幽吏擬仙移
樽臨斷石汲綆引新泉咫尺山城路鐘聲靜夜傳

茲遊稱最勝萬樹擁名區為問山栖者曾知客到無憑

涉縣志

卷八

藝文

七

高僧捉杖識路鳥呼雛尚可支頤坐前峯未盡脯

冬日客居

國朝

方育盛

桐城人
舉人

琳宮小院列琪花別立柴關靜物華紫氣望深生白羽
丹爐火伏埽黃芽醫王駐日常施藥草聖來時自畫沙
四面青山三徑外五都人市一仙家

夏日遊清泉寺

國朝

王可大

武安人
進士

清泉名勝地夏日一登遊澗水連雲折山僧倚樹幽納
涼一片石避暑五株楸傾酒消長夏閒閒數白鷗

涉醫偶題

國朝

楊以兼

邑令

披圖得涉邑周世邸鄒疆雉堞層巒裏豐碑大道傍遺
城傳簡子疊閣祀媧皇瀾石流漳水山雲接太行郭中
三百戶境內十餘鄉上古遺風在王宮德澤長民勞仍
是魏俗儉尚如唐椒柿供租賦藿藜充歲糧訟庭時寂
寂官守日惶惶景况同秋水衙齋似草堂蹉跎成賤吏
人地頗相當

玉泉道上

楊以兼

曲折玉泉道崖邊又水邊青山懸石壁紅樹帶山烟穿
地通溝洫依流作稻田涓涓去不息恍惚在南天

涉縣志

卷八

藝文

三

遊清泉寺四首

楊以兼

壑俗紛紜日尋芳到梵宮北風盈野內春色滿山中嶺
樹枝枝綠寒花冉冉紅時當三月候氣序始融融

殿閣盤山上登臨萬象幽心隨清磬寂身與白雲浮面
目慙僧侶生涯媿水鷗石臺臨下界且一縱雙眸

極目雲深際漳河一道來穿林流曲折倚岸見崔嵬城
郭藏山谷村烟傍水隈朋儕同指畫不盡意徘徊

柿實深秋熟紅如二月花千株聯綴錦十里燦明霞海
國珊瑚樹南天橘柚家斯時人眺望不異見天葩

遊熊耳寺

國朝文 峙古虔

探奇寒策馬踏雪似鳴沙石狀傳熊耳雲窩擁佛牙到
門橋曲折覆徑樹橫斜卽此空諸慮無須幻雨花

宿青頭寺

國朝楊 蔚 邑貢生

名山鬱鬱萬峯迴峽底村原拍顧開古樹呼風簷馬動
危崖飛瀑玉龍來松聲謾謾和清磬鳥跡紛紛點綠苔
暝色漸從林外入歸雲堪荐野人盃

沙陽八景

國朝黃 澤 邑令

造物無端逞化工巖懸鐘鼓應長空尋常不作人間响

涉縣志

卷八 藝文

七七

爲恐聞聲三日聾 石鼓懸鐘

煉石曾將五色傳併幪終古賴安然於今憑弔鴻濛蹟

補救何人更仔肩 媯皇古蹟

羣峯環拱勢盤盤半帶晴雲插漢端古寺忽開山日曉

四圍都作畫屏看 熊耳六峯

無心出岫任徜徉却覆巍巍山一房共驗農占應得雨

青頭疑有蟄龍藏 青頭卧雲

古柏參天勢欲騰暮鐘時候暮烟凝斜陽駐有餘輝在

迴映危臺翠萬層 柏臺晚照

王業宏基藉贊成山因往蹟亦留名至今一片峯頭雨
猶作銜枚馳驟聲

韓山帶雨

環繞山城屈曲流遠涵碧樹半沉浮危湍溜石聲如咽
為寫烟波一色秋

漳河落澗

蜿蜒堪任棟梁材幹舞虬龍絕壑開近洞迎風聞一吼
即疑百丈怒濤來

風洞古松

過懸鐘村偶題

國朝王

嶺孟津人
邑教諭

暮鼓闐闐警世頑晨鐘隱隱破天慳那知造物無聲響
放在蒼岩翠壁間

涉縣志

卷八

藝文

七

東寺閣小飲四絕

國朝

李昉林

琅叔邑
司訓

雨晴天朗客愁寬載酒扶筇上翠巒行到雲山最高處
春光無禁任人看

嶽翠深圍峭閣孤憑欄指點望春燕漳流遠映秋千影
不必江南似畫圖

監史雙臨禁約嚴歐蘇觴政一時兼步趨八達爭豪飲
裸體科頭總意快

席冷瓶空日漸斜烟迷白眼醉生花東君悄送人歸後
回首山村盡暮鴉

東寺閣小飲和韻

國朝任中柱邑人翰林

東風無恙酒盃寬有客携壺上翠巒日晚長烟迷曲檻
夕陽人語畫圖看

五友同登興未孤曲欄杆外指春燕倪迂范綏今誰在
倚寫南山疊嶂圖

春光蕩漾解冬嚴酒律詩情勝具兼常記五人同醉日
山容水色夢中忞

風吹烏帽自欹斜石磴峻嶒眼半花匹馬東風香閣下
暮雲深樹點歸鴉

涉縣志

卷八

藝文

五

紫雲洞

國朝李成蹊邑人鉅鹿知縣

天地鍾奇秀靈岩闕洞宇夾岸陟重巒崎嶇山之墅萬
木隱深壑曲徑披榛莽攀援到上頭衆山盡偃僂峭壁
懸危嵯洞口無尺土蛇盤入谷中山空走野鼠紫蓋摩
其巔綠雲爭媚嫵縱橫而續紛疑是列仙府仰面直而
邃綠以東西廡怪狀綴金鏞清响鳴石鼓天造而地設
人間無津呂下有蛟龍池一泓湛今古到此萬籟清眉
日爲飛鱗一覽已忘倦那復知險阻東廡不可入側足
步西嶼碧岩飛玉屑石髓壓牛乳不盈亦不竭色香別

有圭碎入龍池中滴滴聲回互忽成五穀子一粒不致
取荒哉野人言畏此冰雹苦最後如黑漆照以荻蘆炬
表裏忽通明透隙過穴堵怪石半嵯峨玲瓏結門戶萬
竅各有態百狀紛如許或連若相隨或背若相徇或曲
若相盤或直若相挂或如珠錯落或如星布伍或如錦
繡屏或如琉璃圃又如帶怒龍蜿蜒而吞吐兼如虎豹
蹲狎獐兩目努變化莫可名應接不暇歎腕底無龍蛇
粗序所經觀颯颯涼風生寒氣肅當午我欲更窮之幽
谷不可處昔讀山海經魑魅所叢聚此應神所居怪鑿
憑鬼斧千年鬱靈氣芬苾降雲雨每祈輒有應赫然神
功普迴瞻紫色雲騰騰氣如縷循光出洞壑如歷桃源
塢

涉縣志

卷八

藝文

八

清濁二漳引

國朝

張作肱 邑人

河內冀州古帝鄉浸有汾潞川有漳漳水兩道判清濁
洪波千尺恣汪洋上黨少山大屯谷汨汨清流湧萬斛
奔崖激石透雲根拍岸衝沙橫地軸潞州長子鹿谷山
濁漳湧出聲潺潺漸作巨波撼岩壁兩岸削立排天闕
二川澎湃自西來驚濤聲吼六月雷俱會合漳出涉邑

勢如鯨跋滄溟開別涓分涇尋脈絡當年神禹曾疏鑿
西門藉之富魏都重有河渠史起作比年清晏共朝宗
安瀾無事驅蛇龍阜城還與衛水合千秋萬古自溶溶

涉邑覽古

張作肱

刈陵古魏地壤接趙與韓慙勤訪古蹟世遠半凋殘
北會過簡子城古墟漠漠霧交橫吾兒帟外盡青草又
聞好事談馮亭淮陰虎嘯會駐此至今傳有將泉水十
道誌載令狐墳荒壘迷離問誰是媯皇高閣凌太乙聞
道唐王此駐蹕綵旂寶蓋黯風雲惟見孤峯天外出衛

涉縣志

卷八 藝文

全

公布雨駕龍驅電掣雷轟一夢時年深何處尋石馬松
柏森森留古祠悵懷往事意悠悠神仙黃白不可求
桑田變海瞬息耳何論三萬六千周君不見風清月白空
山裏惟有年年漳水流

謁衛公廟

國朝 楊 震 邑令雲南人

門外羣山萬壑趨靈旗風閃見眉鬚龍拏檜古疑神異
螺染峯青儼畫圖塞上勳名高馬寶枕中韜畧失孫吳
英雄舉動垂千古雲雨空山事有無

古柏堂古柏歌

國朝 孫延昌 號樵村不谷人按頁

古柏堂前一株柏偃蓋亭亭去天尺枝分青翠映山光
根入泉源鍾地脉天生異材非偶然定有精靈護魂魄
當年手植屬何人宛對甘棠思邵伯自古官衙同傳舍
名花異卉多凋謝不惟灌溉失陰晴更苦倥偬加蹈藉
况由拱把至合圍經歷不知幾變化何乃撐搭百千年
養得蒼龍形匹亞我來偶借一枝棲危峯四面窮攀躋
遙指此樹認官署繞城山郭無與齊風來靜聽洪濤響
月出仰看清影迷欲賦霜皮兼黛色縮筆不下難輕題
大材無須更培植但少扶助嫌孤特繞根點綴竹石佳
惟祝億萬年無兵火劫此柏壽與山無極

入涉邑境

孫延昌

涉縣古稱沙子國萬山叢裏彈丸城舉頭盡見奇峯峙
着足曾無尺土平幽阻半腰穿穴入迴環千折倚邊行
林巒幸有搜尋處雅稱生平覽勝情

元宵

國朝 孫貽謀 號奇嵐六
合人邑令

山圍城郭數千家歷落燈光助月華到處村歌團里社
成羣秧鼓鬧官衙俗知親上寧嫌陋樂爲同民不厭譁

聞說向來無此盛豐登是祝歲頻加

贈涉縣戚鶴泉明府

國朝 楊纘時 武安人 進士

天台紀神異永嘉富奇英拔萃雖人事亦關山水靈我
公真磊落震耳轟春霆彤墀昔對策聲價指蓬瀛忽作
山縣宰叠嶂圍荒城編戶人高下垂膺癭彭亨柿帶誇
珍產椒粒豔芳馨團糠作餼糧羨藿耻鼎瓶蓋代得循
吏四顧憫鰥惸懸蒲過慈母飲水卹鳩形政成民絕訟
瀟酒卧風櫛研丹竄舊譜煮茗注遺經文教所薰炙絃
歌相呼賡素沃長河潤今看膏雨零備箸紆籌畫黎庶

涉縣志

卷八 藝文

三

走逢迎公乃殷下士折簡問茅衡貽我大著作開卷重
瑤瓊我本荒谷子早歲竊科名論文既陋畧學道亦何
成豹章被羊質燕翼假鳳翎作吏未三載還山偶耕氓
耕養若不卒荼毒壓衰齡冠蓋逢舊侶枯稿跡平生聞
聲始相識握手敘前盟甚感我公厚甚愧野人情桃李
無寸報肝胆兩分明沐澤詠勤苦鄙懷聊自呈

酬鼓山楊進士見贈作

國朝 戚學標 邑令

搢來大河北留心訪奇英文章本神交契合如有靈我
愛楊夫子聲譽喧雷霆意原天上仙淪謫下蓬瀛探秘

入二酉獨坐擁百城禮家重戴德詩說窮毛亨賦跡出
騷雅蘭芷垂芳馨有時意興發雅亦倒罍瓶聞昔令山
左悽惻憫孤惺今歸隱溢山案牘謝勞形環室但竹木
春風被窓榻自著藝菊譜閒披煎茶經公誠臯禹才虛
廷需和賡予以霖雨任庶使甘膏零作吏苦不適况乃
拙逢迎宜乎拂袖還早歲卧荆衡砥硤世所貴誰信棄
成喧嗽百鳥羣仰羨孤鳳翎誓將脫屣去混迹柴桑氓
仙山富芝朮茹餌安餘齡蹉跎簿書間殊乃負平生鑒
辭洛水回瞻雲色明慙勤答嘉貺藉此寸楮呈

岳岡早行集杜句

戚學標

晨光映遠岫殘月壞金樞重露成涓滴寒空乍有無羣
雞正亂吟宿鳥競相呼短褐風霜入衰容問僕夫

遊清泉寺集杜

戚學標

松林蘭若秋風晚三伏炎蒸定有無峽口驚猿聞一箇
柴門擁樹向千株吏情更覺滄洲遠緩步仍須竹杖扶
洶洶人寰猶不定曳裾終日盛文儒

六有齋偶成

國朝

周維翰

依棠中案
人邑教諭

一望蒼烟古木平
漳南風物喜春晴
羣山天闕沙侯國
遺壘人傳簡子城
僻縣長無車馬迹
空齋時聽誦絃聲
蕭然六有亭邊坐
贏得新詩日又成

題古柏堂

國朝

金鳴珊

佩堂太
平人

習靜衙齋裏開簾
午蔭圓只知堂
自古未識樹何年
空翠浮山外清陰
到井邊君看遺愛
在定與邵棠傳

西戍僧菴雨望

國朝

楊毓崧

邑人

雨就茅庵坐村餘
古戍名暗雲垂徑
濕新瀑迴簷鳴草

涉縣志

卷八

藝文

八

樹遙迴合溪山
乍滅明劫來斷塵
事心跡喜俱清

熊耳山避暑

楊毓崧

隔絕鷲塵別有天
果然世外一山川
羣峯揖我勞遊屐
五蘊從今沁石泉
坐借蒲團消永日
行穿松塢拂蒼烟
半生苦被浮名繫
願與湯師結淨緣

白衣菴口占

楊毓崧

從知靜境卽禪關
花放水流觸目閒
最好引人入勝處
開門便是小東山

村居

國朝

李建寅

邑人

村居寥落起炊烟
半世生涯寄一廛
芳草綠陰牛臥地
杏花紅雨燕來天
橋通激水清流滿
門對符山翠色連
笑我貧家無負郭
祇憑心力種心田

遊風洞詠古松

國朝 馬得洹 邑人

積布山頭午蔭濃
陰陰翠蓋擁喬松
風生絕頂飛宜鶴
烟繞深崖護似龍
古廟謁來餘秀色
高人隱處見遺蹤
洞門閒坐渾忘暑
面對西南第幾峯

柿葉

國朝 李長森 邑人

蕭蕭昨夜起霜風
曉看園林柿葉紅
莫道荒山無景色

涉縣志

卷八 藝文

全六

漫天霞錦爛秋空

虎頭山

國朝 李長楚 邑人

突起靈山物象呈
儼然奇狀見崢嶸
不知太塊將形結
却訝松風夜吼聲

風洞山

李長楚

山椒一徑藹繽紛
長有罡風入耳聞
我欲問奇探古穴
芒鞋踏破嶺頭雲

曉聞妙覺寺鐘

李長楚

雲山古寺傍層城
風送金鯨百八聲
何待鳴鷄催曉夢

漫勞書枕破殘更蕭蕭秋雨寒空靜颯颯霜林遠籟清
平日虛靈無宿障此時提醒甚分明

志乘告成

李長楚

衰頹百年來載籍傷淪亡舊時名勝地變爲瓦礫場
幸遇神仙吏史筆兼三長闕典重補輯山水增輝光



